

四庫全書薈要

• 乾隆御覽本

集部

欽定四庫全書薈要

集部

柳河東集卷十三

四

詳校官助教臣常循



柳河東集卷十三

唐 柳宗元 撰

一十三首

先太夫人河東縣太君歸祔誌

公元和五年尚護永州司馬故夫人卒于永州
明年安祔于先侍御史府君之墓先侍御墓表
具載夫人之卒則誌
表當是同時而作

先夫人姓盧氏諱某世家涿郡

涿音卓地名也今上谷涿郡

壽止六



十有八元和元年歲次丙戌五月十五日棄代于永州
零陵佛寺明年某月日安柩于京兆萬年棲鳳原先侍
御史府君之墓其孤有罪銜哀待刑不得歸奉喪事以
盡其志姪洎太夫人之兄子弘禮承事焉嗚呼天乎太
夫入有子不令而陷于大慘哉徒播穢土醫巫藥膳之
不具以速天禍非天降之酷將不幸而有惡子以及是
也又今無適主以葬通音的天地有窮此冤無窮既舉葬

紹直忍切索也與紹同
周禮封人置其終

猶以不肖之辭擬述先德且志

其酷焉嘗逮事伯舅聞其稱太夫人之行以教曰汝宜
知之七歲通毛詩及劉氏列女傳斟酌而行不墜其旨
汝宗大家也既事舅姑周睦姻族柳氏之孝仁益聞歲
惡少食不自足而飽孤幼是良難也又嘗侍先君有聞
如舅氏之謂且曰吾所讀舊史及諸子書夫人聞而盡
知之無遺者某始四歲居京城西田廬中先君在吳家
無書太夫人教古賦十四首皆一作諷傳之以詩禮圖
史及剪製纓結授諸女及長皆為名婦先君之仕也伯

母叔母姑姊妹子姪雖遠在數千里之外必奉迎以來
太夫人之承之也尊己者敬之如臣事君下己者慈之
如母畜子敵己者友之如兄弟無不得志者也諸姑之
有歸必廢寢食禮既備嘗有勞疾先君將改葬王父母
太夫人泣以蒞事事既具而大故及焉不得成禮既得
命於朝祇奉教曰汝忘大事乎吾家婦也今也宜老而
唯是則不敢暇抑將任焉苟有日吾其行也及命為邵
州又喜曰吾願得矣竟不至官而及於罪是歲之初天

子加恩羣臣以宗元任御史尚書郎封太夫人河東縣
太君八月會冊太上皇后于興慶宮禮無違者既至永
州又奉教曰汝唯不恭憲度既獲戾矣今將大儆于後
以蓋前惡敬懼而已苟能是吾何恨哉明者不悼往事
吾未嘗有戚戚也而卒以無孝道不能有報焉喪主子
婦七歲而不果娶竄窮微

言卑切
境也

人多疾殃炎暑燭蒸

燭呼木切又虛驕呼
酷黑各三切熱也

其下卑濕非所以養也訕視無所

問藥石無所求禱祠無所實蒼黃叫呼遂遭大罰天乎

神乎其忍是乎而獨生者誰也為禍為逆又頑很而不
得死逾月逾時以至於今靈車遠去而身獨止玄堂暫
開而目不見孤因窮繫陟立切魄逝心壞蒼天蒼天有如
是耶有如是耶而猶言猶食者何如人耶已矣已矣窮
天下之聲無以紓其哀矣盡天下之辭無以傳其酷矣
刻之堅石措之幽陰終天而止矣

伯祖妣趙郡李夫人墓誌銘

夫人適臨邛令柳君是為公之伯祖銘不載臨
邛之碑新史年表亦載曰某為臨邛令而名亦

不傳錫亦不載其子之名而曰終極德尉史亦
不載其名而曰莊德令其不同如此貞元十九

年公時為

監察御史

夫人姓李氏辨族姓者趙郡贊皇之東祖祖某為某官

父冲為單父尉夫人生於良族巍然殊異及笄

音稽女十五曰

笄德充於容行踐於言高朗而不傷其柔嚴恪而不害

具和特善女工剪製之事又能為雅琴秦聲操縵之具

標七刀切漫木旦切禮記不學操縵

婦道既備宜為君子之配偶焉我伯

祖臨印令府君諱某受夫人於李氏之廟而歸于正室

臨邛府君之先曰我曾王父清池府君諱某清池之先
曰徐州府君諱某又其先曰常侍府君諱楷常侍之兄
曰中書令諱輿自中書以上為宰相四世噫我伯祖以
宗胄碩大而齊其德厚夫人以族屬清顯而修其禮範
合二姓以承先祖為士者榮之故佐奉養承祭祀婦德
用光家道甚宜無何伯祖終于臨邛而窆焉夫人從子
而退于淮許音虎水
淮之名嗚呼我先府君每得仕未嘗不奉
迎供養必誠必親男既立必使之有祿仕女必使之有

家將嫁已子必先擇良士可以配諸姑者定然後議焉

仲父殿中侍御史府君由是志也夫人生男一人諱某

不幸終於宣州旌德尉女三人皆得良壻隴西李伯和

為楊子丞疾痺廢痼而沒太原王紆紆音舒今為右補闕頴

川陳長長音長為校書郎渭南尉知名貞元十六年王氏姑

定省扶持自揚州至于京師道路遇疾遂館于陳氏以

諸壻之良諸女之養無不得意焉享年八十一是歲六

月二十九日終于平康里自小斂至于大斂比及葬則

二壻實參主之有孫二人長曰曹郎奉之以續而正于
位八月二十四日葬于萬年縣之少陵原實棲鳳原介
于我先府君仲父二兆之間神心之所安也嗚呼嗣子
早天臨卽萬里以歲之不易未克合祔哀孰甚焉諸姑
命宗元以為斯志以從人之道內夫家外父母家且又
葬於我志于我故叙柳氏為備銘曰

藹其芳壽且康大梁鵲火沈幽光

大梁鵲火二星名是
年歲星在大梁六月

日月會於鵲火蓋
以紀年之年月也

風淪夫子嗣又喪

年輶帷不復岷之

陽

精此見切或作
精是半師也

兆靈趾棲鳳里艮之山兌之水靈之

車當返此子孫百代承靈祉誰之言者青烏子

相家書
曰青烏

子稱山三重相連名連

華山葬之當出二十石

叔妣吳郡陸氏夫人誌文

此叔父殿中君之配也殿中君葬在貞元十二年二月公作墓版文載夫人吳郡陸氏時尚無恙也是年冬十一月夫人卒乃合附焉故曰仲父之諱字夫人之爵齒備于版文云

夫人諱則字內儀姓陸氏家于吳郡蓋江左上族以宗子在他國家牒逸墜故曾王父王父之諱官不克究知

而闕其文父覃皇河南陸渾令夫人生而柔筭而禮會
伯舅爲河南尹撰擇僚采

撰息
免切

謂我文學掾仲父士林

殊英儒流推高故夫人歸于我夫人之志也溫順以承

上沖厚以字下不敢踰於冢婦不敢侮於臣妾是宜允

膺福壽集成母儀稟命不淑享年三十有五貞元十二

年十一月己亥終于長安太平里第嗚呼夫人生男一

人曰曹婆幼孺在抱委續就位

續音
崔

女一人曰喜子匍

匍絰綵

上舉兩切
下音保

寄婦人之手哀哉蓋襄門薄佑神道

不相顧仲父違背於歲首而夫人捐棄於是月遺孤眇
藐未克承紹凡我族屬其痛巨乎遂以其年十二月十
三日庚午合祔於少陵原之墓恭惟仲父之諱字夫人
之爵齒備于版文今不書懼再告也

亡姑渭南縣尉陳君夫人權厝誌

夫人公前所誌伯祖妣李夫人之女也前誌云
夫人三女皆得良婿校書郎渭南尉陳長其一
也此誌所以具載陳君云貞
元十七年公時調藍田尉

唐貞元十七年九月六日甲子前渭南縣尉潁川陳君

之夫人河東柳氏終于平康里將終告于陳君曰吾生四十有四年為陳氏介婦九年謹飭不怠以至于此命也既成婦矣宜祔于皇姑從兆于三原然而不幸中道而有痼疾既不及養于舅姑又不得佐于蒸嘗生君之子不晷月而殞嘗謂君宜有貴位而不克見執親之喪不得終紀皆天譴之大者也且願殺禮

殺所介切周禮國新殺禮以

成吾私適先夫人之墓而窆我焉將俟君之不諱而歸復於正其可也陳君乃卜十二月十八日權厝于城南

原曰棲鳳如夫人之志且以時日甲子授于宗元曰子
之姑孝於家移於我之長睦於族施於我之黨是用賓
而禮之如益者之友今則去我已矣吾無以報焉他日
嘗謂子慙而文願以為誌庶幸而有知將安子之為也
甚無恨矣嗚呼貴不必賢壽不必仁天之不可恃也久
矣遂哭而受命書夫人之世以記于茲石夫人六代祖
諱慶五代祖諱旦位皆至宰相高祖諱楷為濟州刺史
曾祖諱某為徐州長史祖諱某為清池令考諱某為臨

卽令妣李氏趙郡贊皇人其他則俟改葬而後備

亡姊崔氏夫人墓誌蓋石文

不書其卒葬之年月然其文曰太夫人生二女
幼曰裴氏婦如夫人之懿而晉蚤世按裴氏婦
葬以貞元十六年則此文
當與裴氏婦誌相先後作

我伯姊之葬良人博陵崔氏爲之誌凡歸于夫家爲婦
爲妻爲母之道我之知不若崔之悉也然而自葬而工
以至于幼孩崔固不若我之知也又烏可以已今之制
凡誌於墓者琢密石加蓋于其上用敢附碑陰之義假

茲石而書焉嗚呼夫人天命之性固有以異於小孩而

聲和幼而氣柔以吾族之大尊長之多

女辰兩切

夫人自能

言而未嘗誤舉其諱與其類戲于家游弄之具未嘗有

爭先公自鄂如京師

一有歸字

其時事會世難告

一作書

教罕

至夫人憂勞踰月默泣不食又懼貽太夫人之憂慮給

音怠工

以疾告書至而愈人乃知之善隸書為雅琴以

聲歎也

自娛樂隱而不耀工足以致美於服而不為異言足以

發揚於禮而不為辨孝之至敬之備仁之大又以配君

子然而不克會于貴壽以至于斯孰謂之

一無之字

天有知

者耶太夫人生二女幼曰裴氏婦如夫人之懿在二族

咸以令德聞而皆早世其弟昏愚而獨存孰謂天可問

者耶嗚呼痛其甚歟遂濡血而

一作以

書以志終天之哀

與茲石永久

亡姊前京兆府參軍裴君夫人墓誌

作之年月見本篇

公時為集賢正字

柳氏至于唐其著者中書令諱爽中書之弟之子曰徐

州府君諱某實有孝德世其家業清池府君諱某繼之
以茂實德清府君諱某承之以善政以至于侍御史府
君諱某用貞信勁正達于邦家克生賢女以配于裴氏
裴氏至于唐其著者禮部尚書諱行儉禮部之子曰侍
中諱光庭嗣用忠肅書于國史祠部府君諱稹業之以
貞直以至于金吾府君諱倣音用純懿端亮聞於天下
實生良子以配夫人嗚呼夫人與仁孝偕生以禮順偕
長始于家純如也終于夫族穆如也其為子道也孝以

和恭以忠取與承順必稱所欲先君與太夫人恩遇尤

厚故夫人侍側無威怒之教焉天禍弊族夙遭大故我

諸孤奉太夫人之養不敢圖死至于復常夫人三歲無

湯沐無鹽酪

音洛

頻踴叫號哀徹天地外除髮不勝筭體

不勝帶太夫人泣而命之固猶不食朝夕誨僅而濟

焉其為妻道也貞順之宜恒服於身體疑忌之慮不萌

於心術怠慢之色

慢音致恨也

不兆於容貌同焉而合於禮

婉焉而得其正其為婦道也惟聽順謹敬睦姻任恤之

行甚備常以不幸不及舅姑之養用為大恨是故相春
秋之事眎滌濯羞盥盥勞以待旦每怵惕之威至焉則
又移其孝于裴氏之門而以睦于冢婦介婦必敬必親
下以不失其亦子之心姻族歸厚率由是也嗚呼我之
大譴歟裴氏之大不幸歟以夫人之德行宜貴壽宜康
寧然而年始三十不克至于壽良人官為參軍事不及
偕其貴骨髓之疾實鍾于身以貞元十六年三月十三
日甲子終于光德里第痛矣夫始夫人之疾也夫人之

族視之如已

一有
余字

其家老長妾臧獲之微皆以其私奔

謁於道路禱鬼神問卜筮者相及也既病太夫人在側

尚慮積憂傷于尊懷猶持形立氣給以少間故二稚未

齒

初觀切數齒也男
八歲女七歲而齒

良人在遠不及有緒言遺念以傳

於後則我呼天之痛宜有加焉嗚呼天胡厚是懿德而

闕其報施獨何咎歟余一不知天之忍也既逾月良人至

自洛師望門而哭曰無以立吾家成吾身矣凡生三子

幼曰崔七先夫人八月而殞魂氣無不之也次曰崔六

後夫人五旬而夭因祔焉今其存者曰崔五章無恙託

于乳媪

烏姑切

以虞水火哀哉其年八月十八日甲子安

厝于長安縣之神禾原從于先塋祔于皇姑宜也母弟
號哭而為之志毒痛憑塞略不能具敢告無愧辭無溢
美庶用正直克安神心嗚呼至哀無文至敬不飾故無
其辭

亡妻弘農楊氏誌

貞元十五年公時為集賢殿正字公蓋憑之壻
憑嘗為禮部郎中而諸本誤作疑非是觀其祭

楊詹事文

可見矣

亡妻弘農楊氏諱某高祖皇司勳郎中諱某司勳生殿
中侍御史諱某殿中生醴泉縣尉諱某醴泉生今禮部
郎中憑代濟仁孝號為德門郎中娶于隴西李氏生夫
人夫人生三年而皇妣即世外王父兼居方伯連帥之
任歷刺南部夫人自幼及笄依于外族所以撫愛視遇
者殆過厚焉夫人小心敬順居寵益畏終始無驕盈之
色親黨難之五歲屬先妣之忌飯僧於仁祠就問其故

保傳以告遂號泣不食後每及是日必連連涕慕抱終身

之戚焉及許嫁于我柔日既卜

禮記內事以柔日注順其在內為陰

乃歸

于柳氏恭惟先府君重崇友道於郎中最深耆稚好言

始音始於善謔雖間在他國終無異辭凡十有三歲而

二姓克合奉初言也夫人既歸事太夫人備敬養之道

敦睦夫黨致肅雍之美主中饋佐蒸嘗休惕之義表于

宗門太夫人嘗曰自吾得新婦增一孝女況又通家愛

之如己子崔氏裴氏姊視之如兄弟故二族之好異于

他門然以素被足疾不能良行未三歲孕而不育厥疾
增甚明年以謁醫救藥之使來歸女氏永寧里之私第
八月一日甲子至于大疾年始二十有三嗚呼痛哉以
夫人柔順淑茂宜延于上壽端明惠和宜盛于貴位生
知孝愛之本宜承于餘慶是三者皆虛其應天可問乎
哀門多音蒙 鐸壘音也上天無祐故自辛未逮于茲歲累服
齊斬繼纏哀酷其間冠衣紕采暮月者三而已矣無乃
以是累夫人之壽歟悼慟之懷曷月而已矣哀夫遂以

九月五日庚午克葬于萬年縣棲鳳原從先塋禮也是
歲唐貞元十五年龍集己卯為之誌云

坤德柔順婦道肅雍惟若人兮婉婉淑姿

婉音宛婉音晚又音免婉

婉順也鏘翔令容

鏘七將切

委窮塵兮佳城鬱鬱閉白日兮之

死同穴歸此室兮

下場女子墓塋記

場未成人也人年十九至十六死為長場十五
至十二死為中場十一至八歲死為下場公時

謫永州

司馬

下殤女子生長安善和里其始名和娘既得病乃曰佛
我依也願以為役更名佛婢既病求去髮為尼號之為
初心元和五年四月三日死永州凡十歲其母微也故
為父子晚性柔惠類可以為成人者然卒天斂用緇褐
銘用塋甍滿歷切葬零陵東郭門外第二岡之西隅銘曰
孰致也而生孰召也而死焉從而來焉往而止魂氣無
不之也骨肉歸復於此

小姓女子墓塋記

壬申中即貞元二十年死己丑
在元和四年公時尚在永州

字為雅氏為柳生甲申死己丑日十二月在九是日葬
東岡首生而惠命則天始也無今何有質之微當速朽
銘茲瓦期永久

故尚書戶部侍郎王君先太夫人河間劉氏誌文

夫人王叔文母也公以附叔文貶此銘極所稱
道叔文侍東宮諫太子不使言宮市之弊公所
謂道合儲后者考新史叔文傳順宗即位不能
聽此王伾密語黃門蘇蘇州司功參軍召叔文
拜起居郎翰林學士與王伾牛勣客李忠言史
相依仗伾主傳受叔文主裁可乃授之中書韋

執誼作銘文施行時韋執誼呂溫李景儼韓愈
韓泰陳諫劉禹錫及公皆爲死友叔文母死匿
不發喪至宦者俱文珍詰折乃發喪憲宗以太
子藍圖貶叔文涇州司戶明年誅死公之所謂
將明出納有彌綸通變之勞剖經邦阜財之職
豈誠然乎哉叔文既貶公以是貶邵州刺史繼
是一斥不振方作銘時係貞元二十一年秋而
八月憲宗立遂止叔文之罪豈是時猶未悟耶
其後與許孟容書謂是時年少氣銳不識幾微
不知當否但欲一心直遂果陷刑法意公亦悔
所不及矣吾昌黎氏之言曰子厚前時少年勇
於爲人不自重顧藉謂功業可立就故坐廢
退誠有得於
公之心哉

夫人姓劉其先漢河間王

漢孝景
長子也

王有明德世紹顯懿

至唐有文昭者為綿州刺史號良二千石其嗣慎言為
仙居令光州長史克荷于前人光州

一有君字

夫人之父也

夫人既笄五年從于北海王府君諱某府君舉明經授
任城尉左金吾衛兵曹修經術以求聖人之道通古今
以推一王之典會世多難不克如志卒以隱終夫人生
二子長曰彝倫舉五經早夭少曰叔文堅明直亮有文
武之用貞元中待詔禁中以道合于儲后凡十有八載
獻可替否有匡弼調護之勤先帝棄萬姓嗣皇承大位

公居禁中訃謨定命有扶翼經緯之績繇蘇州司功參
軍為起居舍人翰林學士將明出納有彌綸通變之勞
副經邦阜財之職加戶部侍郎賜紫金魚袋重輕開塞
有和均肅給之效內贊謨畫

一作謀謨

不廢其位凡執事十

四旬有六日利安之道將施于人而夫人終于堂蓋貞
元之二十一年六月二十日知道之士為蒼生惜焉天
子使中謁者臨問其家賻以布帛嗚呼夫人之在女氏
也貞順以自處孝謹以有奉其在夫族也祇敬以承上

嚴肅以蒞下事良人四十有九年而勤勞不懈生戶部
五十有三年而教戒無闕年七十有九而戶部之道聞
于天下為大僚垂紫綬以就奉養公卿侯王咸造于門
既壽而昌世用羨慕然而天子有詔俾定封邑有司稽
於論次終以不及時有痛焉是年八月某日祔于兵曹
君之墓銘曰

夫人之德溫柔敬直承于陰教式是嬪則克生良子用
揚懿美有其文武弘我化理天子是毘邦人是望半若

若紫綬榮于高堂惟昔孟氏號為母師在漢稱賢有戒
不疑懿懿夫人維其似之山北之中神禾之原問于靈
龜閔此顯魂

附音秘

勒石垂休永永萬年

朗州員外司戶薛君妻崔氏墓誌

新史崔仁師傳貞觀初殿中侍御史時青州有
男子謀逆有司指支黨累條填獄詔仁師按覆
始至悉去械為具食飲湯濡以情評之坐止魁
忌十餘人他悉原縱曰治獄主仁恕故誘稱殺
人則足亦皆有禮豈有知枉不申為身謀哉使
吾以一介易十囚命國吾願也由是知名仁師
崔簡二世大父也公誌簡之女故以仁師議
刑不孥而銘焉公時在柳元和十二年作云

唐永州刺史博陵崔簡女諱媛嫁為朗州員外司戶河
東薛巽妻三歲知讓五歲知戒七歲能女事善筆札讀
書通古今其暇則鳴絃桐諷詩騷以為娛始簡以文雅
清秀重於當世其後病惑得罪投驪州諸女蓬垢涕號
柳氏出也以叔舅命歸于薛惟恭柔專勤以為婦妻恩
其故他姬子雜已子造次莫能辯無忤忌之行

性音實
恨也

無犯迂之氣

迂音牛
過也

一畝之宅言笑不聞于鄰元和十

二年五月二十八日既乳病肝氣逆肺牽拘左腋巫醫

不能已晷月之日潔服飭容而終年若干某月日遷柩于洛某月日柩于墓在北邙山南洛水東巽始佐河北軍食有勞未及錄會其長以罪聞因從貶更大赦方北遷而其室已禍巽之考曰大理司直仲卿祖曰太子右贊善大夫環曾祖曰平舒令煜高祖曰工部尚書真藏簡之父曰大理司直畢祖曰某官鯢唐興中書令仁師議刑不孥其二世大父也巽之他姬子丈夫子曰老女子子曰張婆妻之子女子曰陀羅尼丈夫子曰某實後

予銘曰

翼翼仁師惟仁之碩一言刑輕綿載二百其慶中缺曾
玄不續簡之溫文卒昏以易七男三女八我之出仍禍
六稔數存如沒宜福而災伊誰云恤惟薛之婦德良才
全隣無言聞臧獲以虔推仁撫庶孩不異憐兄公

一作子

是怙夫屬忻然髮髭我我

髮音被髭也髮音弟

蘧豆維嘉烝嘗賓

燕其羞孔多有必有嚴

燕薄必切音也

神饗斯何奚仲仲虺胡

祐不遐高曾祖考胡嘏之訛淑人不居誰任于家書銘

告哀以寘巖阿

韋夫人墳記

其族系不得而考
公時刺柳州作云

韋夫人終成都殯萬年遷柩渭南祔而不合大葬未利
以俟禮也其族系如某人之誌塋

音朋又通
鄭切塋也

用元和十

四年月日子某為石刻而納諸塋

馬室女雷五葬誌

葬不詳其年月其曰葬永
州元和間公為司馬時作

馬室女雷五父曰師儒業進士雷五生巧慧異甚凡事

絲續

音續

文繡不類人所為者余觀之甚駭家貧歲不易

衣而天姿潔清修嚴恒若簪珠璣衣紉縠

上音九下胡谷切

絮

然不易為塵垢雜年十五病死後二日葬永州東郭東

里以其姨母為妓於余也將死曰吾聞柳公嘗巧我惠

我今不幸死矣安得公之文志我於墓其父母不敢以

云葬之日余乃聞焉既而閤焉以攻石之後也遂為砂

書玄塋追而納諸墓

柳河東集卷十三

柳河東集卷十四

唐 柳宗元 撰

對五首

設漁者對智伯

按史記世家及考之通鑑晉自昭公以後六卿
強宮室早六卿韓趙魏范中行及知氏是也頃
公六年周景王崩王子爭立晉六卿平王室亂
立敬王十二年晉之宗家祁奚孫叔嚮子相惡
於君六卿欲弱公室乃遂以法盡滅其族而分
其邑晉益弱定公十一年范中行反晉君擊之

范中行走朝歌出公十七年智伯與趙韓魏共分范中行地以為邑出公怒告齊魯欲伐之四卿逆反攻出公奔齊智伯乃立哀公晉國政皆決智伯晉公不得有所制智伯遂有范中行地最强周威烈王二十三年智宣子卒智襄子為政請地於韓康子致萬家之邑又求地於魏桓子復與萬家邑又求絳皋狼之地於趙襄子襄子不與智伯怒帥韓魏之甲以攻趙氏圍而灌之城不沒者三版智伯曰吾乃今知水之可以亡人國也趙襄子使張孟談潛出見韓魏曰晉亡則幽寒今智伯帥韓魏而攻趙趙亡韓魏為之次矣二子乃陰與張孟談約為之期日而遣之襄子夜使人殺守隄之吏而使水灌智伯軍智伯軍救水而亂韓魏翼而擊之襄子將卒犯其前大敗智伯之衆遂殺智伯盡滅智氏之族而分其地迹其事而觀之智伯貪而無饜卒抵

于敗公之設為漁者之對其
切指一時之事情也至矣

智氏既滅范中行志益大合韓魏圍趙水

于一作

晉陽智

伯瑤

音搖智伯名號裏子

乘舟以臨趙且又往來觀水之所自務

連取焉羣漁者有一人坐漁智伯怪之問焉曰若漁幾

何曰臣始漁於河中今漁於海今主大茲水臣是以來

曰若之漁何如曰臣幼而好漁始臣之漁於河有魴鯉

鱣鯪者

魴音沙小魚也鯉音叔大魚似魴而鱗弱鯪知連切音氈鯪也江東呼為黃魚鯪音僵說文魴

也魚不能自食以好臣之餌日收者百焉臣以為小去而

之龍門之下

龍門山名在絳州同州二州之界

伺大鮪焉

鮪音消路也似鱣大者名

鮪小者曰叔

夫鮪之來也其魴鯉數萬

魴音房赤尾魚詩魴魚頰尾

垂涎

流沫後者得食焉然其饑也亦返吞其後愈肆其力逆

流而上慕為螭龍

螭丑知切似龍而無角者

及夫抵大石亂飛濤折

鰭秃翼

鰭音者魚脊上骨

顛倒頓踣

音

順流而下宛委冒憎

半孔

切心迷也環坻湫而不能出

坻音墀水中高地一曰小者也湫音叙水滿也

嚮之從

魚之大者幸而啄食之臣亦徒手得焉猶以為小聞古

之漁有任公子者其得益大

莊子外物篇任公子為大鈞巨緇五十犗以為餌

乎會稽投竿東海期年不得魚已而大魚食之
牽巨鉤陷沒而下任公子得若魚離而腊之 於是去

而之海上北浮於碣石

碣音竭山名在平州盧龍縣碣然而立在海旁故名

求大

鯨馬

海大魚也雄曰鯨雌曰魼

臣之具未及施見大鯨驅羣鯨

鯨音交

也

逐肥魚於渤澥之尾

渤音勃澥胡買切說文海之別也

震動大海

掉巨島

黠補通切掉徒了切島都皓切水中有山曰島

一啜而食若舟者數十

啜妹悅切說文嘗也

勇而未已貪而不能止北威於碣石槁馬嚮

之以為食者反相與食之臣亦徒手得焉猶以為小聞

古之漁有太公者其得益大釣而得文王

史記太公望呂尚者以漁

釣奸周西伯西伯出獵遇太公於渭之陽與語大說載與俱歸立為師

於是舍而來智伯

曰今若遇我也如何漁者曰嚮者臣已言其端矣始晉之侈家若欒氏祁氏卻氏羊舌氏以十數不能自保以貪晉國之利而不見其害主之家與五卿嘗裂而食之

矣

按史記趙世家晉頃公之十二年六卿以法誅公族祁氏羊舌氏分其邑為十縣各令其族為之大夫

是無異魀鱣鱸鮪也腦流骨腐於主之故鼎可以懲矣然而猶不肯悟又有大者焉若范氏中行氏貪人之土田侵人之勢力慕為諸侯而不見其害主與三卿又裂

而食之矣脫其鱗鱠其肉鱠音檜細切肉也剝其腸剝音枯斷其

首而弃之鯢鮪上音昆下音而遺脣羊晉切莫不備俎豆是無異

夫大鮪也可以懲矣然而猶不肯悟又有大者焉吞范

中行以益其肥猶以為不足力愈大而求食愈無饜於益

切又於鮪切驅韓魏以為羣鮫以逐趙之肥魚而不見其害

貪肥之勢將不止於趙臣見韓魏懼其將及也亦幸主

之威於晉陽其目動矣而主乃傲然傲魚到切倨也亦作傲以為

咸在机俎之上方磨其舌抑臣有恐焉今輔一作韓果舍

族而退不肯同禍

初智宣子將以瑤為後智果曰不如
宵也云云若果立瑤也智宗必滅弗

聽智果遂別族于太史為輔氏後
韓趙魏滅智氏之族唯輔果在

段規深怨而造謀

初

襄子為政與韓康子魏桓子宴於監臺智伯戲康子而
侮段規及智伯圍趙氏桓子康子遂與趙襄子使人殺
守隄之吏而決水灌智伯軍大敗智
伯之衆遂殺智伯段規康子之相也主之不悟臣恐主

為大鯨首解於邯鄲

上音寒邯音單
趙之所都也

鬣推於安邑

鬣音
獵安

邑晉地即今之
絳州夏縣也

宵披於上黨

趙之地也

尾斷於中山之外

中

其後為
趙所并而腸流於大陸

澤名在深趙二
州界而濱河

為魚鱣

上音鮮
下音橋

二字並
出周禮以充三家子孫之腹臣所以大懼不然主之勇

力强大於文王何有智伯不悅然終以不悟於是韓魏與趙合滅智氏其地三分

愚溪對

觀公與楊誨之書云方築愚溪東南為室時元和五年也對雖不紀年月其在永州作明矣

柳子名愚溪而居五日溪之神夜見夢曰子何辱子使予為愚耶有其實者名固從之今予固若是耶予聞閩有水生毒霧厲氣中之者溫屯嘔泄

屯徒渾切聚也嘔音歐又於口切泄

音藏石走瀨

音賴水流沙上也

連臚摩解

臚音盧紅頭也

有魚焉鋸齒

鋒尾而獸蹄是食人必斷而躍之乃仰噬

音筮

焉故其名

曰惡溪西海有水散渙而無力不能負芥投之則委靡

墊沒及底而後止故其名曰弱水

出甘州東坡云自州北西至肅州

秦

有水倚汨泥淖

倚舉綺切偏引也汨音骨淖女教切泥也

撓混沙礫視之分

寸眇若睨壁

眇丑吏切直視也睨音詣邪視也

淺深險易

以鼓切

昧昧不

覲乃合清渭以自彰穢跡故其名曰濁涇

出原州高平縣岍頭山一

名崆峒山至同州界入渭

雍之西有水幽險若漆不知其所出故名

曰黑水

通典出甘州張掖縣雞山

夫惡弱六極也濁黑賤名也彼得

之而不辭窮萬世而不變者有其實也今予甚清與美
為子所喜而又功可以及國哇力可以載方

一作萬

每朝

夕者濟焉子幸擇而居子而辱以無實之名以為愚卒
不見德而肆其誣豈終不可革耶柳子對曰汝誠無其
實然以吾之愚而獨好汝汝惡得避是名耶且汝不見
貪泉乎有飲而南者見交趾寶貨之多光溢於目思以
兩手左右攫而懷之豈泉之實耶過而往貪焉猶以為

名

廣州二十里地名石門有水曰貪泉飲者懷無厭之
欲晉吳隱之為廣州刺史乃至泉所酌而賦詩曰古

人云此水一飲懷千金試使夷齊飲終當不易心

今汝獨招愚者居焉久留而

不去雖欲革其名不可得矣夫明王之時智者用愚者

伏用者宜遇伏者宜遠今汝之託也遠王都三千餘里

側僻迴隱蒸鬱之與曹螺蚌之與居

螺盧戈切蚌屬大者如斗出日南漲

海中蚌步項切
蜃屬釋文蛤也

唯觸罪擯辱愚陋黜伏者日侵侵以遊

汝闖闖以守汝

闖丑禁切
馬出門兒

汝欲為智乎胡不呼今之聰

明皎厲握天子有司之柄以生育天下者使一經於汝

而唯我獨處汝既不能得彼而見獲於我是則汝之實

也當汝為愚而猶以為誣寧有說耶曰是則然矣敢問

子之愚何如而可以及我柳子曰汝欲窮我之愚說耶

雖極汝之所往不足以申吾喙洵汝之所流不足以濡

吾翰姑示子其略吾茫洋乎無知冰雪之交衆裘我締

溽暑之鏐

式灼切

衆從之風而我從之火吾盪而趨不知

太行之異乎九衢以敗吾車吾放而遊不知呂梁之異

乎安流以沒吾舟吾足蹈坎井頭抵木石衝冒榛棘僵

仆虺蜴

音易蜥蜴也釋文似虵四足去足真虵也

而不知怵惕何喪何得進

不為盈退不為抑荒涼昏默卒不自克此其大凡者也
願以是汙汝可乎於是溪神深思而嘆曰嘻有餘矣是
及我也因俯而羞仰而吁涕泣交流舉手而辭一晦一

明覺而莫知所之遂書其對

晁太史無咎取以附變騷其保曰宗元之所作亦對

襄王問客難之義而託之神也宗元以謂我愚而谿有
得於我谿亦當愚故言已愚可以累神者而神受之然
補之嘗論宗元固不愚夫安能使谿愚哉竭其智以近
利而不獲既困矣而始曰我愚柳宗元之困豈愚罪邪
夫古之人臣正言為國犯難得死惟晁錯為愚哉故後
世咸曰錯為一身謀則愚為天下謀則智惡夫士之喜
權者幸而進則曰智無以過我不幸而退則曰愚無以
過我是進不失利退不失名故錄宗元此對極智愚之

辯以俟復
之君子

對賀者

永貞元年九月公自禮部員外郎貶邵州刺史十一月又貶永州司馬既至永州後作

柳子以罪貶永州有自京師來者既見曰余聞子坐事

斥逐余適將唁子

唁宜箭切救梁傳云弔失國曰唁

今余視子之貌浩

浩然也能是達矣余無以唁矣敢更以為賀柳子曰子

誠以貌乎則可也然吾豈若是而無志者耶姑以戚戚

為無益乎道故若是而已耳吾之罪大會主上方以寬

理人用和天下故吾得在此凡吾之貶斥幸矣而又戚
戚焉何哉夫為天子尚書郎謀畫無所陳而羣比以為
名蒙恥遇僂以待不測之誅苟人爾有不汗栗危厲僂
僂然者哉

僂音思相切責也又七才切

吾嘗靜處以思獨行以求自

以上不得自列於聖朝下無以奉宗祀近丘墓徒欲苟

生幸存庶幾嗣續之不廢是以儻蕩其心倡佯其形

倡音

昌佯音羊

茫乎若升高以望瀆乎若乘海而無所往故其容

貌如是子誠以浩浩而賀我其孰承之乎嘻笑之怒甚

乎裂眚

疾智切又才詣切目眚也

長歌之哀過乎慟哭庸詎知吾之

浩浩非戚戚之尤者乎子休矣

杜兼對

新史杜兼傳書其為濠州刺史豪侈橫恣僚官
韋賞陸楚皆聞家子有美譽論事忤兼誣劾以
罪殺之二人無罪死衆莫不冤之此或人之問
有及於枉殺無罪士二人者即史之所書也公
乃取其能辨鍾離令之說且欲使無罪之僚戚
得自達則史之所不書者也韓昌黎銘杜兼墓
而二事皆不書特著其世緒為詳豈以其善不
足以掩其惡故併二事而略之吾嘗疑焉惜乎
公之對缺而不全無以見公
終有以去取微顯之意矣

或問曰朝廷以公且明進善退不肖未嘗不當然吾有

一疑焉願有聞於子以釋予也何哉曰杜兼為濠州幸

兵之亂殺無罪士二人蓄貨足愆吾以為唐檣杙饕餮

者亡以異

檣音濤杙音兀饕音叨餮音鐵古之四凶之二者春秋注檣杙頑凶無疇匹之貌貪財為

饕餮貪食

然而卒入為郎中給事中出由商至河南尹乃

死夫何取於兼者若是幸也曰若子之言兼之罪吾雖

不覩乎自然聞之熟宜廢而不用久矣然而吾有一取

焉吾聞兼在濠州有鍾離令盧某者宰相戚也而讒且

諛日狀其僚之過愆以致于兼且曰是過是愆我獨無
有其僚因惴恐

惴之瑞切
憂懼也

以俟謫怒於上今日施施自

負曰州君將我除也兼得之乃大怒罰令使僚也咸得
自達以進乎善因擯令終不得面焉人由是不苟免而
讒諛之道大息朝廷進兼於內則給事中於外則至河
南尹益知兼有是善也歟誠然不為公且明耶或者曰
兼凶狡人也恣殺以充已其為過章章者凡天下兒童

後闕

天對

天對非徒作也屈原有天問公以對也原事楚懷王為三閭大夫同列大夫上官靳尚妬害其能共譖毀之王乃遷之原彷徨山澤經歷陵陸見楚有先王之廟及公卿祠堂圖畫天地山川神靈奇瑋備侔及古賢聖怪物行事因書其壁呵而問之然其文義不次叙讀之茫然王逸為之叙有曰自太史公口論道之多所不逮至於劉向揚雄援引傳記以解說之亦不能詳悉今則稽之舊章合之經傳以相發明此逸之語也至公乃為之對問斥王逸之失始讀之亦莫曉其義以天問之意參而求之章法句斷問答之意昭然義見用疏公天對之言而附天問之語於下兼乎衆說以昭其義公之所以斥王逸之失者兼存之庶易以考焉若夫文義之不叙則

漢諸儒所不敢易也

曰本始之茫誕者傳焉

此對天問遠古之初誰傳道鴻之謂太始之元初無傳也

靈幽紛曷可言焉

此對天問上下未形何由考之謂天地未形本無言也

智黑晰

眇往來屯屯尨昧革化惟元氣存而何為焉

此以對天問冥昭瞢

闇誰能極之馮翼惟像何以識之明明闇闇惟時何為謂日月晝夜陰陽明晦惟元氣存也馮翼惟像淮南子曰天地未形馮翼翼言未形也音音忽晰音析七株倫切合焉者三一以統同吁

炎吹泠交錯而功

此對天問陰陽三合何本何化蓋取殺梁子所謂獨陰不生獨陽不生獨

天不生三合然後生之意王無營以成沓陽而九轉輾

速以謂天地人非也冷音零

柳河東集

十二

一作運轉一作轉轅渾淪蒙以園號

此對天問園則九重孰管度之謂天園九重取陽數也

胡果冥疑玄釐無功無作

此對天問惟茲何功孰初作之烏僊繫維乃

縻身位無極之極漭彌非垠或形之加孰取大焉

此對天問

幹維焉繫天極焉加謂斗極居中央如太玄所謂天圓地方斗植中央也王逸以謂極際恐未然淋其浪切

皇熙疊疊胡棟胡宇宏

一作完

離不屬焉恃夫八柱

此對天問

八柱何當東南何虧謂天維以八山為柱非所持也疊音尾

無青無黃無赤無黑無

中無旁焉際乎天則巧欺淫誑幽陽以別

此對天問九天之際安放

安屬謂九天者雖東方曰暉天東南方陽天南方赤天西南方朱天西方成天西北方幽天北方玄天東北方

鷹天中央鈞天其別雖九而對以爲不然也

無限無隅曷憎厥列

此對天問隅限多有

誰知其數謂天地方隅不可以數窮也限焉回切憎年孔切

折一作

筭剡筵午施旁

豎鞠明究曠自取十二非余之爲焉以告汝

此對天問天何所沓

十二焉分筭音專楚人折竹以卜謂之筭筵音廷葦莖也意謂巧歷不能計天地之晦明一歲日月十二會固

自若也沓合也言天地合也

規燬魄淵太虛是屬基施萬榮咸是焉

託

此對天問日月安屬列星安陳謂日圓而

輻旋南畫

軸奠于北孰彼有出次惟汝方之仄平施旁運惡有谷

汜

此對天問出自湯谷次于蒙汜謂日猶輻旋軸奠焉可窮其出次日晨出東方湯谷之中暮入西極蒙水

之汜也汜音凡又音當焉為明不逮為晦度引久窮不
祀又音泛汜水涯也

可以里

此對天問自明及晦所行幾里謂日之明晦不可以里計也

燬剝莫儺淵迫

而魄遐違乃專何以死育

此對天問夜光何德死則又育謂日之炎光莫並唯月明

既極則魄哉生不可死育測也儺音麗玄陰多缺爰感厥兔不形之形惟

神是類

此對天問厥利惟何而顧兔在腹謂月中有兔玄陰之所感也

陽健陰淫降施

蒸摩歧靈而子焉以夫為

此對天問女歧無合夫焉取九子王逸云神女也無夫而

九子漢成帝紀應劭注畫室畫九子母或云即女歧也

怪澗冥更伯強乃陽順和

調度惠氣出行時屆時縮何有處鄉

此對天問伯強何處惠氣安在伯強

疫鬼也謂氣乖則致癘氣和則致祥
鬼非有定處也滿綿婢切水流貌
明焉非聞晦焉非

藏

此對天問何聞孰旦孰幽繆躍于經蒼龍之寓而廷

尉角亢

此對天問角宿未旦曜靈安藏謂東方蒼龍角亢之宿雖日出之方而其晦明固自有經度也

晉志云左角為天田主刑亢總攝天下奏
事聽訟理獄錄功者也繆音蚪躍澄延切惟鯀詭詭隣

聖而孽恒師厖蒙乃尚其圮

此對天問不任汨鴻師何
以尚之謂鯀之不任治洪

水衆論不明不察其方命圮族而舉
之也鯀音衮詭女交切圮部鄙切

后惟師之難贖頤

使試

此對天問僉答何憂何不課而行之謂四岳舉鯀
堯曰吁咈哉僉曰試可乃已非樂於用之也課試

也贖音賓恨張目也頤
阿葛切鼻莖也盛頤也

盜堙息壤招帝震怒賦刑在下

投弃于羽方陟元子以脩功定地胡離厥考而鵠龜肆

喙氣孽宜害而嗣續得聖汙塗而渠夫固不可以類此對

天問鵠龜曳銜鮭何聽焉順欲成功帝何刑焉永遏在羽山夫何三年不施伯禹腹鮭夫何以變化謂鮭既殛

于羽山垂鳥之所曳銜而其子有禹之聖蓮生泥中自不類也息壤史記素隱曰山海經啟筮云鮭竊帝之息

壤以堙洪水招音翹舉也肱躬躋步橋楯勸路一作厥漢書以招人過鵠與鵠同

十有三載乃益考醜宜儀形九疇一無宜儀形三字受是玄寶

昏成厥孽昭生于德惟氏之繼夫孰謀之式此對天問纂就前緒

遂成考功何續初繼業而厥謀不同謂禹胼手胝足勤勞底績以益覆其父之惡數九疇錫元圭唯繼鯀之氏

而不法其謀也脛張尼切說文脛也一行鴻下隤厥丘
日蘭也雙滴結切跋也勸羊至切勞也

乃降焉填絕淵然後夷于土從民之宜乃九于野墳厥

貢藝而有上中下

此對天問洪泉極深何以真之地方九則何以墳之謂禹行洪水既平降

丘宅土不待真塞從民之所宜咸則三壤而成賦中邦也賁徒回切真音田

胡聖為不足反

謀龍智畚鍤究勤而欺畫厥尾

此對天問應龍何畫河海何歷蓋王逸注或曰

禹治水時有神龍以尾畫導水徑從而治之對以為不然也畚音本鍤測洽切

圉燾廓大厥立

不植地之東南亦已西北彼回小子胡顛隕爾力夫誰

駭汝為此而以恩天極

此對天問鮪何所營禹何所成康曰馮怒地何故以東南傾康

回共工名也淮南子謂共工與顓頊爭怒觸不周之山
天維絕地柱折故東南傾對以謂非康回可得而傾也
國與圓同 州錯富姬一作媛爰定于趾躁川靜谷形有高
又音旋

庫東窮歸墟又環西盈脈穴土區而濁濁清清墳墟慘

疏滲渴而升充融有餘泄漏復行器運放放又何溢為

此對天問九州何錯川谷何滂東流不溢孰知其故謂
九州川谷錯滂各有其勢水之東流回環其理自不溢

也音慘音燥滂音所禁切洩音故水流貌滂音戶 東西南北其極無方夫何頡洞

而課一有校字脩長茫忽不準孰衍孰窮此對天問東西南北其脩孰多南北

順康其衍幾何謂不可計其脩積高于乾崑崙攸居蓬
衍也頡音承又胡動切康音蓋

首虎齒爰穴爰都

此對天問崑崙縣圖其尻安在謂崑崙之顙曰縣圖元氣所出上通于天

非人迹可至也崑崙音崑崙論尻丘刀切

增城之里萬有三千

一作千

清溫燠

寒迭出于時時之丕革由是而門辟啟以通茲氣之元

此對天問增城九重其高幾里四方之門其誰從焉西北辟啟何氣通焉淮南子謂崑崙崑崙之山九重其高萬五千里故一寒一暑氣所從出西北

天門又氣之所通也增讀作層

脩龍口燎爰北其首

九陰極冥厥朔以炳

此對天問日安不到燭龍何照王逸注云天之西北有幽陰無日之

國龍銜燭之惟若之華稟羲以耀

此對天問羲和之未揚若華何光謂羲和日御

也若木依日而先耀耳

狂山凝凝冰於北至爰有炎洲司寒不得

以試

此對天問何所冬暖何所夏寒疑音疑

石胡不林往視西極獸言嘍

嘍人名是達有虬螭蛇不角不鱗嬉夫玄熊相待以神

此對天問焉有石林何獸能言焉有虬龍負熊以遊王逸云天下何所有石木之林林中有獸能言語者對言

石胡不林往視西極則石林在西然吳都賦有注云石林在南二義不同虬龍王逸云焉有無角之龍而負熊

以遊戲者嘍古包切虬音糾南有怪虬羅首以噬儻忽之居

帝南北海

此對天問雄虬九首儻忽馬在王逸云雄虬一身九首速及電光儻忽電光也柳先生云

非是義在莊子甚明然招魂云雄虬九首儻忽往來吞人

員丘之國身民後死封嶠

之守其橫九里

此對天問何所不死長人何守王逸注括地象云有不死之國長人防風氏也

禹會諸侯彼後至使有萍九岐厥圖以詭浮山孰產赤
守封嶠之山嶠音虞

華伊臬

此對天問靡萍九衢臬華安居柳先生云衢岐也山海經多言其岐五衢王逸以謂生九交之

道恐誤又浮山有草其葉如巴蛇腹象足觀一作

厥大

三歲遺骨其修已號黑水淫淫窮於西羌玄趾則北三

危則南

此對天問一蛇吞象厥大何如黑水玄趾三危安在山海經言南方有靈蛇吞象三年然後出

其骨黑水出崑崙山玄僊者幽幽壽焉孰慕短長不齊

趾三危皆山名在西方

咸各有止胡紛華漫汗而僭謂不死

此對天問延年不死壽何所止漫汗

並平鯪魚人兒邇列姑射魃雀峙北號惟人是食

此對天問

鯀魚何所虺堆馬處山海經云鯀魚在海中近列姑射山虺堆當為雀虺雀在北號山如雖虎爪食人王逸以

為奇獸誤虺馬有十日其火百物羿一作宜炭赫厥體音祈鯀音凌

胡庸以枝屈大澤千里羣鳥是解此對天問羿馬彈日鳥馬解羽淮南子云

堯時十日並出草木焦枯羿射十日中其九日日中九鳥皆死墮其羽翼柳曰山海經云大澤千里羣鳥之所

解問作鳥字當為鳥後人禹懲於續衿婦亟合腋離厥不知因配上句改為鳥也

膚三門以不眩呱呱之不盡而孰圖味卒燥於野民攸

字一作攸鑒此對天問禹之力獻功降省下土四方焉得彼衿山女而適之於台桑閔妃匹合厥

身是繼胡維嗜慾而不同味而快鼯飽謂禹娶衿山氏之女雖念繼嗣之重而勤勞不顧家非徒欲飽快一朝

之情益欲民安其居也金與莖同
呱音孤盡傷也迄力切睦與酥同
彼呱克臧俾如作夏

獻后益于帝諄諄以不命復為喪者曷戚曷孽

此對天問故代

益作后卒然離莖謂益避政於箕山之陰此天意也初何憂屬離遭也莖與孽同憂也

呱勤于德

民以乳活扈仇厥正帝授柄以捷兇窮聖庸夫孰克害

此對天問何啟惟憂而能拘是達皆歸射籍而無害厥躬謂啟之賢民賴以生誅有扈氏之叛而無敢害者

益革民艱咸桀厥粒惟禹授以土爰稼萬億違溺踐垧

休居以康食始不失聖天

一本無聖天

胡往不迪

此對天問何后益作

革而禹播降即書所謂禹曰余乘四載暨益奏庶鮮食暨稷奏庶艱食鮮食孫民乃粒之意垧巨至切堅土也

啟達厥聲堪輿以呻辯同容之緒帝以質嬪禹母產聖

何臨厥旅彼淫言亂噉聰賊以不處

此對天問啟棘賓商九辯九歌何勤

子屠母而死分竟墜據王逸注棘陳也賓列也九辯九歌益所作樂也陳列宮商之音對云帝以質嬪義之不

同如此何勤子屠母王逸云禹臨剖母背而生其母之身分散竟墜何以能有聖德憂勞天下乎對謂無此理

堪輿天地也呻音申質音茂臨拍通切噉音燭又陟救切賊古獲切夷羿滔荒割更后祠

夫孰作厥孽而誣帝以降

此對天問帝降夷羿革孽夏民謂夷羿弑夏后相非天意

也震皞厥鱗集矢于皖肆咄帝不謀失位滋嫚有洛之

嫫焉娶有姁

此對天問胡羿射夫河伯而妻彼洛嬪王逸曰洛嬪宓妃也傳曰河伯化為白龍遊

於水旁羿見射其左目河伯上訴天帝云羿又夢與洛水神宓妃交接也鵠音果曉戶版切明星也嫫音慢嫫

音護 夸夫快殺羿殛殛以慮飽馨膏腴帝叛德恣力胡肥台

舌喉而濫厥福此對天問焉玼利決封殛是射何獻蒸肉之膏而后帝不若謂羿獵射神殛蒸

祭天帝而天意不順也焉挾也玼弓名也玼音希寒讒婦謀后夷卒戕荒弃于

野俾姦民是臧舉土作仇徒怙身弧此對天問況娶純狐眩妻爰謀何羿

之射革而交吞揆之謂寒況羿相也況娶純狐氏女況謀殺羿而羿徒恃其弧矢而不悟也魚殛羽

巖化黃而淵此對天問阻窮西征巖何越焉化而為黃熊巫何活焉謂鮪既殛死化為黃熊入于

羽山于一作宜播殖穉于丘于川維莞維蒲維菰維蘆

丕徹以圖民以謹以都克酷厥父厥子徽一作以功克

碩厥祀後世是郊此對天問咸播拒黍蒲蕝是營何由并投而鮪疾修盈謂鮪既不能平水

土使民得播種鮪既殛死禹乃嗣興以永厥祀也王子怪駭蛇音澆

形第裳文褫操戈猶憎夫藥良終鳥號以游奮厥篚筐

智漢莫謀形胡在胡亡此對天問白蛇嬰弟胡為此堂安得夫良藥不能固藏天式縱

橫陽離爰死大鳥何鳴夫焉喪厥體此又屈原記其祠堂之所見故曰胡為此堂王逸云崔文子學仙于王子

僑子僑化而為白蛇嬰弟持藥與崔文子文子驚怪引戈擊蛇中之因墮其藥俯而視之王子僑之尸也文子

覆之以蔽筐須臾化為大鳥而鳴此對所謂形胡在胡亡也蛇雲之似龍者第雲之若蛇者蛇音霓第音佛褫

丑多切
奪衣也

陽潛而爨陰蒸而雨萍馮以興厥號爰所

此對天問

萍號起雨何以興之王逸
云萍雨師之名爨取亂切

氣怪以神爰有奇軀脇屬支

偶尸帝之隅

此對天問撰體脇鹿何以膺之王逸注云天撰十二神鹿一身八足兩頭云

宅

靈之丘掉馬不危鼇厥首而常以恬夷舟釋而陵殆或

謫之龍伯負骨帝尚窄之

此對天問鼇戴山抃何以安之釋舟陵行何以連之列仙

傳曰有巨靈之鼇背負蓮葉之山而抃戲滄海之中窄測格切澆嫫以力兄塵聚之

此對

天問維澆在戶何求于嫫澆音梟嫫郎到切塵音憂

康假于田肆克宇除既裳

一無

此二字既舍宜咸墜厥首

此對天問何少康逐犬而顛隕厥首女岐縫裳而館同爰止何

顛易厥首而親以達殆王速注謂少康因田獵襲殺澆而斷其頭女岐澆嫂也與澆淫佚共舍宿止少康夜襲

之得其頭以為澆因斷之故此對謂咸陞厥首者湯奮葵旅爰以偃拊載厥德

于葛以詰仇餉此對天問湯謀易旅何以厚之謂湯伐罪弔民征自葛始傳曰葛伯仇餉此之

謂也偃委羽切康復舊物尋焉保之覆舟喻易尚或艱之此對天問

覆舟斟尋何道取之言少康復惟桀嗜色戎得蒙妹淫舊物滅斟尋氏如覆舟之易也

處暴娛以大啟厥伐此對天問桀伐蒙山何所得焉妹嬉何肆湯何誣焉謂桀伐蒙山之

國而得妹嬉民奔不保馴致南巢之伐也瞽父仇舜鰥以不儷堯專以女茲

俾脩厥世惟蒸蒸翼翼于嫄之汭此對天問舜閔在家父何以鰥堯不妣告

二女何親謂替更仇舜而嫁在下克以二女紂臺于璜
妻之也僊音麗媼俱為切洵音芮姚舜姓也

箕克兆之惟德登帝師以首之媼軀虺號古一作以類

之胡日化七十工獲詭之此對天問厥萌在初何所意焉璜臺十成誰所極焉登立

為帝執道尚之女媼有體執制匠之謂紂為玉臺十重
而箕子知其必亡伏義以德而民登以為帝女媼虺身
人頭一日七十化對以為為舜帝眠厥仇畢屠水火夫固
詭也璜音黃媼公蛙切

優游以聖而孰殆厥禍犬斷于德終不克以噬昆庸致

愛邑鼻以賦富此對天問舜服厥弟終然為害何肆犬豕而厥身不危敗謂象欲殺舜而舜弟

之雖欲肆其犬豕之心而終不能害舜且封之有嗟伯
庫而富貴之也詖讀同視斷魚斤切富一作當

之仁遜季旅獄雍同度厥義以嘉吳國

此對天問吳獲造古南嶽是止

孰期去斯得兩男子謂吳國得賢者如太伯讓王季而居南嶽之下仲雍亦去而之吳而文王立二子為可嘉

也空桑鼎殷諂羹厥鵠惟軻知言閭焉以為不

此對天問緣鵠

飾玉后帝是饗謂人謂伊尹因緣烹鵠鳥之羹修飾玉鼎以事湯唯孟子謂其以堯舜之道要湯未聞以割烹

也閭居覓切視也

仁易愚危夫曷揆曷謀咸逃叢淵虐后以劉

降厥觀于下匪摯孰承

此對天問何承謀夏桀終以滅喪帝乃降觀下逢伊摯謂以仁

格愚人將不謀而從如叢雀淵魚馬相湯以條伐巢放成功者非伊尹孰承之也摯音至伊尹名也條伐巢放

民用潰厥疣以夷于膚夫曷不謠

此對天問何條放致罰而黎服大說謂鳴

條之伐南巢之放如民之瘼痼決
而膚革平安無不說者疢音尤
誓狄禱禱契形于胞

胡乙殷之食而怪焉以嘉

此對天問簡狄在臺誓何宜
女鳥致貽女何嘉謂簡狄帝

誓之妃也待誓於臺上有飛燕遺其卵喜而吞之因生
契也誓音告禱音梅天子求子之神曰禱禮祀高禱是

也胞音泡
殷苦候切

該德脩孝

一作考

蓐收于西瓜虎手鉞尸形以

司慝

此對天問該秉季德厥父是臧王逸云該包也父
契也柳云該為蓐收王逸注誤按禮記注疏蓐收

少皞氏之子曰該為金官國語號公夢在廟有神人面
白毛虎爪執鉞立於西阿公覺召史墨占之史墨對曰

如君之言則蓐收也天
之刑神也所取者奉此

收正矜矜澆扈爰踣

此對天問
胡終弊于

有扈牧夫牛羊謂少康終能滅
澆祀夏配天也有扈澆國名

階干以娛苗革而格不

迫以死夫胡狃厥賊

此對天問干協時舞何以懷之王逸註云干求也舞務也言夏能求

協時務柳對之義不與王說同

辛后駢狂無憂以肥肆蕩弛厥體而充

膏于肌嗇寶被躬焚以旗之

此對天問平脅曼膚何以肥之謂紂為無道天下乖

離當懷憂懼癰瘻而反形體曼澤平脅肥盛宜其不免於蹈火而死也駢五駢切

扈釋于牧力

使后之

此對天問有扈牧豎云何而達謂有扈氏釋牧豎而為諸侯也

民仇焉寓

一作寓

啟牀以斮

此對天問擊牀先出其命何從謂有扈氏不安於民故啟擊之於牀而殺之也斮側略切

也殷武踵德爰獲牛之朴夫惟陋民是冒而不號以瑞

此對天問恒秉季德馬得夫朴牛王逸云湯能踵啟之德天嘉其志田獵而獲大牛之瑞公以謂非湯之德不

能致卒營而班民心是市此對天問何往營班祿不但

民心也王逸云營得也班通也言通施祿惠於百姓也解父狄淫遭慙以報彼中

之不目而徒以色視此對天問昏微循迹有狄不寧何

循昏微之性為夷狄禽獸之行而不能安其身謂晉大

夫解居父也居父聘于吳過陳之墓門見婦人負其子

欲與淫佚肆其情婦人則引詩而刺之曰墓門有棘有

鴉萃止故曰繁鳥萃棘也墓門有棘雖無人棘上猶有

鴉汝獨不媿也公對之意蓋取諸此謂遭象不兄龔而

肆以謀蓋聖孰凶怒嗣用紹厥愛此對天問眩弟並淫

作詐而後嗣逢長謂象雖浚井全廩肆害舜之謀而舜不藏怒又封之有庠以紹厥後也萃有玉女

湯巡爰獲既內克厥合而外弼于德伊尹非妃君之知

臣曷以不識

此對天問成湯東巡有莘爰極何乞彼小臣而吉妃是得王逸注以為小臣伊尹也

湯東巡狩從有莘氏乞弓伊尹因得有莘氏之女則有之乞彼小

妃對之意以為湯東巡得有莘氏之女則有之乞彼小臣而吉妃是得為不胡木化于母以蜎厥聖喙鳴不良

謾以詭正盡邑以塾孰譯彼夢

此對天問水濱之木得彼小子夫何惡之膝有

莘之婦王逸注小子謂伊尹膝退也言伊尹母姓身夢神女告之曰白寗生龜巫去無反居無幾何白寗中有

生龜母去東走顧視其邑盡為大水母因溺死化為空桑之林水乾之後有小兒啼水涯人取養之既長大有

昧才有莘惡伊尹從木中出因以送女也對之意以謂不然謂為是說者是蠹亂厥聖詭說害正未有盡邑以

墊而伊可生也。蝎音曷。木中虫。又許揭切。湯行不類重

泉是囚。

此對天問。湯出重泉。夫何罪尤。謂湯之違虐立行與桀異。故囚之重泉。重泉者地名也。

辟罪德之由師。憑怒割癸挑而讎。

此對天問。不勝心伐。帝夫誰使挑之。謂湯

之德與桀異。從衆欲以割正。有夏桀實有以啟之。非湯之所忍為也。挑音桃。膠鬲比聚雨行。

踐期捧盞救灼仁興。以畢隨鷹之咸。同得使萃之。

此對天問。

會罷爭盟。何踐吾期。蒼鳥羣飛。孰使萃之。此言武王將伐紂。紂使膠鬲視武王師。膠鬲問曰。欲以何日至殷。武王

曰。以甲子日。膠鬲還報。紂會天大雨。道難。武王晝夜行。或諫曰。雨甚。軍士苦之。請且休息。武王曰。吾許膠鬲以

甲子日至殷。今報紂矣。以甲子日不到。紂必殺之。吾故不敢休息。欲救賢者之死也。遂以甲子朝誅紂。不失期。

也此對之意以謂武王不失期而行猶以水救火人無不從如鷹鳥之羣飛無不集者詩云唯師尚父時惟鷹揚策與釐同頸紂黃鉞旦執喜之民父有釐嗟以美之凌之切福也

此對天問列擊紂躬叔旦不嘉何親撥發定周之命以咨嗟謂武王孟津之師秉黃鉞以誅紂八百諸侯不期而會羣臣咸曰休哉周公曰雖休勿休初不以爲喜也雖幸武王順天應人敎福錫民而咨嗟之詞雖美之而實戒之也考之周書位庸庇民仁克蒞之紂淫以害師其詳可得而推矣

殛紂之

此對天問授殷天下其位安施反成乃亡其罪伊何謂武王之仁足以庇民而紂之不道衆所

共弃咸造厥死爭徂器之翼鼓顛禦誰舞靡之

此對天問爭造

伐器何以行之並驅擊翼何以將之謂天下咸避虐政而干戈攻伐之器皆爭先而行前歌後舞見藻讎呼奮

擊其翼而水濱翫昭荆陷弑之繆迺越裳疇肯雉之

此對

天問昭后成遊南土爰底厥利維何達彼白雉謂昭王

背成王之制而出游南至於楚楚人沈之而不復還傳

云君其問諸水濱是也昭王之南遊也為越裳氏獻

穆

憎祈招猖洋以游輪行九野惟怪之謀胡紿娛載

一作戴

勝之獸觴瑤池以迭謠

此對天問穆王巧梅夫何周流環理天下夫何索求據列子

載周穆王肆意遠遊命駕八駿之乘馳驅千里至於巨

蒐氏之國巨蒐氏乃獻白鵠之血以飲王其牛馬之漣

以洗王之足遂宿于崑崙之阿觀黃帝之宮遂賓于西

王母觴于瑤池之上西王母為王謠王和之其詞哀焉

此對問之儒一作

賊厥詵爰厲其弧幽禍挈以夸憚褒

以漁淫嗜殺諫尸謗屠孰鱗鯨以徵而化龜是辜

此對

天問妖夫曳銜何號于市周幽誰誅焉得夫褒姒蓋周幽王前世有童謠曰厲弧箕服實亡周國後有夫婦賣

是器者以為妖而曳戕之於市此周幽王之所從始也褒姒周幽王后也昔夏后氏之褒也有二神龍止於夏庭而

告曰余褒之二君也夏后布幣精而告之龍亡而鯨在續而藏之夏亡傳商至周不敢發也至厲王發而觀之

鯨流于庭化為玄龜入王後宮後宮處妾遇之而孕無夫而生子懼而弃之時被戕夫婦夜亡聞啼聲哀而收

之遂奔褒褒人後有罪幽王欲誅之遂入此女以贖罪是為褒姒幽王竟為犬戎所殺此對問之意蓋罪幽王

淫刑嗜殺以自取滅亡未可盡歸妖夫化龜之徵也厲於瑛切山桑也茂莫結切鯨凌之切龜魚表切似龜而

大天邈以蒙人么以離胡克合厥道而詰彼尤違

此對天問

天命反側桓號其大任屬以傲幸良以九合逮孽而壞何罰何祐

此對天問齊桓九合卒然見殺謂齊桓九合諸侯震而矜之叛者九國卒至見殺非天道之無常亦其自取然

也紂無誰使惑惟志為首逆圖倒視輔讒以寵干異召

死雷濟克后

此對天問彼王紂之躬孰使亂惑何惡輔弼讒諂是服比干何逆而抑沈之雷開阿

順而賜封之金謂紂自惑亂弃賢文德邁以被芮鞠順用讒比干諫而死雷開佞而用也

道

此對天問何聖人之一德卒其異方謂文王之德純一虞芮質厥成而天下無異志鞠音匍

醢梅

奴箕忠咸喪以醜厚

此對天問梅伯受醢箕子佯狂謂梅伯紂之諸侯數諫而紂殺之道

醢其身箕子被髮佯狂不願仕也此兩語疑當與前紂讒諂是服事文理相屬對亦隨問意耳弃靈而

功篤胡爽焉翼冰以矣盍崇長焉既岐既嶷宜庸將焉

此對天問獲維元子帝何篤之投之于冰上鳥何煥之何馮弓挾矢殊能將之謂獲生而神靈天實厚之后獲之母姜嫄氏見大人之迹履之遂有娠弃之冰上有鳥以翼覆溫之詩曰誕寔之寒冰鳥覆翼之可以見天之厚於獲者如此故其生也馮弓挾紂凶以啟武紹尚焉

伯鞭于西化江漢許易岐社以大國之命以祚武

此對天問

既驚帝切激何達長之伯昌號哀秉鞭作牧何令微彼岐社命有殷之國謂紂有凶德武王能紹后獲之業文

王之秉政化于江漢之踰梁橐囊羶仁蟻萃

此對天問

何龍依謂文王始與百姓運於岐山之下民皆歸之如蟻慕羶也

妣滅淫商痛民以亟

去

此對天問殷有惑婦何所譏謂紂為妲已所惑流毒于民民皆去也妲已當割切痛音通

肉梅以

頌烏不台訴孰盈癸惡兵躬殄祀

此對天問受賜茲醢西伯上告何親就上

帝罰殷之命以不殺謂紂醢梅伯以賜諸侯西伯所以訴于天此天所以親致紂之罰故殷之命至於絕而不

續也殄牙伏牛漁積內以外萌歧目厥心瞭眦顯光

此對

天問師望在肆昌何志謂太公望姓姜名牙隱於屠牛漁於渭濱有諸中而形諸外惟文王以心識之奮刀屠

國以髀髀厥商

此對天問鼓刀揚聲后何喜謂呂望鼓刀在肆文王親往問之望對曰下屠屠

牛上屠屠國文王喜哉與俱歸也髀音陸髀音寬賈誼傳曰至於髀髀之所非斤則斧師古曰言其骨大故須

斤斧也發殺曷逞寒民于烹惟栗厥文考而虔子以徂征

此對天問武發殺商何所悒載尸集戰何所急謂武王
戎殷欲救民於虐焰中在文王則栗栗危懼有所不敢
在武王則不敢不敬承文謨以卒此武功
也故載文王木主以討紂有不得已焉
申諧不列恭

君以雉胡蟪訟螭賊而以變天地
此對天問伯林雉經維其何故何感天抑

地夫誰畏懼王逸云伯長也林君也謂晉太子申生為
後母驪姬所諧遂雉經以自殺而敬君也豈讒說可以
變天地哉雉如字禮記正義云雉牛鼻繩或曰雉過獲
多自死蟪弋君切蟲名說文云側行者螭音堯說文虫

在人腹者以二虫
譬驪姬之諧耳
天集厥命惟德受之脩怠以棄天又

祐之
此對天問皇天集命惟何戒之受禮天下又使至
代之謂皇天惟相有德以集厥命後世子孫不能

恐懼以自弃則將祐下
民而作之君所不免也
湯摯之合祚以久食昧始以昭

末克庸成績

此對天問初湯臣摯後茲承輔何卒官湯尊食宗緒謂進用伊尹禮樂祭祀緒業流

于子孫使昧其經始之闕不自昭其明德卒終無以成其功也

先徵夢祖憾離以厲彷徨

徨激覆而勇益德邁

此對天問鮪閻夢生少離散亡何壯武厲能流厥嚴謂吳王閻廬也

閻廬名先壽夢之孫也言閻廬少小被放於外不得立及其壯大終能厲其武勇以大吳國也傍音旁徨音皇

銓羹于帝聖孰嗜味夫死自暮而誰饗以俾壽

此對天問彭銓

斟維帝何饗受壽永多大何久長王逸注謂彭祖進雉羹于堯堯饗食之以壽考至壽八百猶自悔不壽謂枕高而睡遠也對之 蜺齧已毒不以外肆細腰羣螫夫何意以謂無是理焉

足病

此對天問中央共牧后何怒蠱蟻微命力何固王逸注云中央之州有歧首之蛇共食牧草之實自

相啄噬蟲蟻有蝥毒之蟲負力堅固屈原以喻夷狄自相攻毒固其常獨當憂秦吳爾此對之意亦然故取二

虫以為喻蠅胡對切說文蠅螭也螫施隻切細腰蜂也博物志細腰無雌雄之類取桑虫及阜螽子抱而為已

云子萃回禍偶昌鹿曷祐以女此對天問驚女采薇鹿何祐北至回水草何喜言昔

有女子采薇菜有所驚而走北走至於回水之上欲而得鹿其家以昌對以為避禍而得鹿亦偶然耳鍼欲

兄愛以快侈富愈厥車卒逐以旅此對天問兄有噬犬弟何欲易之以百兩

卒無祿謂秦伯之弟鍼也言秦伯有噬犬弟鍼欲以百兩車易之不聽因逐鍼而奪其爵祿王逸以百兩為金

非也鍼說文通作針咨吟于野胡若之很嚴墜誼殄丁厥任此對天問

薄暮雷電歸何憂厥嚴不奉帝何求此已下天問之言皆屈原自道者言其放逐于野書壁所問晷訖日暮欲

去天大雨雷電自解曰歸何憂乎對亦憫其合行違匿
當此禮義消亡之時也恨戶懸切恨度也

固若所咿嘽忿毒意誰與

此對天問伏匿草野尚與詞怨謂屈原伏匿草野尚與詞怨

憤欲何為也咿
音伊嘽音憂

醜齊徂秦咷厥詐讒登狡庸咈以施

此對

天問荆軻作師夫何長謂楚懷王之時秦欲伐齊齊與
楚從親惠王患之乃令張儀厚幣事楚使楚絕齊願獻
商於之地六百里楚懷王貪而信張儀遂絕齊使使如
秦受地張儀詐之曰儀與王約六里不聞六百里懷王
怒舉兵伐秦大敗於丹陽明年秦割漢中地與楚以和
時秦昭王欲與懷王會王欲行屈原諫之曰秦虎狼之
國不可信不如無行懷王信子蘭言竟行遂死于秦此
對之意所以詳言原當日諫之不聽以至於斯云爾

甘恬禍凶亟鋤夷復不可化徒若罷

此對天問悟過改更我又何言謂屈原雖苦

諫而楚王不聽剛愎不化以及於闔綽厥武滋以侈頽
敗亡而不救也復蒲逼切狠也

此對天問吳先爭國久余是勝謂吳闔廬與楚相伐吳
兵入郢都昭王出奔楚之不信用賢人以至於敗者非

一也於菟不可以作台馬庸歸此對天問何環穿自闔社
丘陵爰出于文闕殺於菟

楚令尹子文也問對皆哀今無此賢者但任子蘭之徒也於音烏菟音徒款吾教之關以旅

尸此對天問吾告堵敖以不長柳自注云楚人謂未成
君而死曰敖堵敖文王兄也今哀懷王將如堵敖不

長而死以此告之王逸注以謂堵敖不長楚賢人大謬
然考之左氏莊公十四年楚子如息以息媯歸生堵敖

及成王焉則堵敖成王之兄而誠若名不尚曷極而辭
非文王之兄也公之注亦誤矣

此對天問何試上自予忠名彌彰謂原苟無尚名之心
則天問曷極其辭如此一謂 晁太史無咎本作食

姑不失聖人胡往不道

論

嘗取以續楚詞其系

云宋元博學無不窺又妙於辭頗愛離騷之曲獨能高

尋遠挾其有所得如墜雲出淵於原之辭無復焉此唐

以來離騷之雄也蓋屈原作離騷經楊雄為反離騷補

之嘗曰非反也合也而宗元為天對以曉天問雖問對

非反其於發揚則同離騷因反而始明天問因對而益

彭凡設疑以稽合則達者遇昧者曉恍惚者而屬而義

於是焉白則反與對皆以明原者也非反者獨異也是

雄與宗元之意同也又太史公曰天道無親常與善人

若伯夷叔齊可謂善人者非耶積仁深行如此而餓死

盜跖聚黨數千人橫行天下竟以壽終是遵何德哉此

亦皆人天問之意也書曰天畏棗忱又曰天難諶命靡

常夫既以謂天輔信則宜常矣而又以謂天難信而不

可常何哉天未始不信而以民之作德者不常故天之

吉凶或反倫而要其終天常輔信則靡常者每常昔申

包胥曰人衆者勝天天定亦能勝人故論天者必於其

定則天可以不問而誠著抑屈原雖不忍濁世而自沈
苟以意逆志亦必不肯以其身殉醢故離騷之際未免
於憂患而辭皆微天問雖假怪物行事揆理之不合者
以寓其疑而凡天之所以不合而原疑者孰愈於人事
之吉凶哉此原所欲問而難斥者也
故因天對頗推本之以廣原之意云

柳河東集卷十四

謹案卷十三第五頁後五行諸姑命宗元以為斯
志刊本命訛合脫宗元二字據文苑英華改增
第十五頁前五行故尚書戶部侍郎王君先太夫
人河間劉氏誌文案文苑英華無故字誌文作
墓誌銘與此異

卷十四第三頁後四行主之家與五卿嘗裂而食
之矣刊本五訛三撿郭雲鵬本作五卿注云即
范中行韓趙魏也今據改

第十二頁後六行夫焉取九子刊本取訛配據郭
雲鵬本及楚詞改

第十三頁後二行汙塗而渠夫案渠夫疑當作夫
渠

第十七頁前五行何啟惟憂而能拘是達刊本拘
訛拘據楚詞改

第二十四頁前五行穆王巧梅刊本梅訛梅據楚
詞改

第二十七頁前七行謂枕高而睡遠也刊本睡訛
唾據楚詞改

| | | | | | | | | |
|--|--|--|--|--|--|--|--|--|
| | | | | | | | | |
|--|--|--|--|--|--|--|--|--|

總校官候補中書臣吳紹潔

校對官庶吉士臣陳崇本

校對官編修臣裴謙

謄錄監生臣楊邦彥

謄錄監生臣范相

欽定四庫全書薈要

集部

柳河東集卷十七

五至

詳校官助教臣常循



柳河東集卷十五

唐 柳宗元 撰

答一十首

晉問

平陽堯之所都即晉州之地唐蟋蟀詩曰此晉也而謂之唐本其風俗憂深思遠儉而用禮乃有堯之遺風焉其風俗淳厚可知矣公晉人寔以堯之故都為重故設武陵之問而悉以晉之名物對一曰晉之山河表裏而險固二曰晉之金鐵甲堅而刀利三曰晉之名馬其強可恃四

曰晉之北山其材足取五曰晉之河魚可為俸
觀六曰晉之鹽實可以利民七又極言文公霸
業之盛猶未免乎假仁義以用天下其末也以
堯之遺風而終焉吳子離席拱手非特無以難
且敬拜以受賜玩其意而
觀其辭其為文可謂工矣

吳子問於柳先生曰先生晉人也晉之故

一有封字

宜知之

曰然然則吾願聞之可乎曰可晉之故封太行掎之

行太

在澤州晉城縣南又云在懷州修武縣西北則此山當在二州之界也掎舉綺切偏引也

首陽起之

首陽山名在河東蒲坂縣華山之北河曲之東

黃河迤之

黃河之源出自崑崙循雍州北微達華陰

至於德州而入于海晉地蓋當河之曲也迤移爾切邪行也

大陸靡之

按通典在趙州昭慶縣即

隋大陸縣地有大陸澤又云深州有陸澤縣大陸亦在此則此澤當在二州之界也廉釋云廉是也或魏

而高或呀而淵

呀虛牙切張口也

景霍汾澮

上音焚下音檜

以經其孺

而宣切說文城下田也汾澮即汾水耳

若化若遷鈞嬰蟬聯然後融為平

川而侯之都居大夫之邑建焉其高壯則騰突撐拒

上抽

庚切表柱也下音巨捍也

聲岬鬱怒焉

聲玉交切語不入也岬許加切岬岬山深貌一本無焉字

若熊羆之咆

熊音雄羆音碑咆音庖嗥也

虎豹之啤

音豪終古而不去

攫秦搏齊

攫厥縛切持也

當者失據燕狄惴怯若卵就

一作壓

振振業業覩闕蹠戶

覩七慮切伺視也蹠達協切蹈也

惕若僕妾其按

衍則平盈旋緣紆徐夷延若飛戴之翔舞

戴余專切與爲同

洄

水之容與

洄音回源洄也釋文逆流而上

以稼則碩以植則茂以牧則

蕃以蓄則庶而人用是富而邦以之阜其河則濬源崑

崙入於天淵

黃河見上注

出乎無門行乎無垠自匈奴而南

以界西鄙

匈奴單于在晉之西

衝奔太華

太華即華岳也在晉之西

運肘東指

混漬后土

清胡對切釋云散也

漬濁糜沸

清音汾又房吻切漬湧也

龜鼉詭怪

龜音元似鼉而大鼉徒河切水至力至猛能攻陷河岸

于于汨汨騰倒軼越

軼音佚

也駛委泊涯渼

音侯水涯

呀呬飲納

呀虛加切張口呬迄甲切吸呬也飲呼合切歎也

摧雜失墜其所盪激則連山參差廣野壞裂轟雷努風

轟呼
宏切 撼鵠于嶮

撼戶感切搖也鵠諸韻無一本作顚音憾釋云顚下也嶮音憂

崩石之所

轉躍大木之所擢拔崩汙洞踏者

滿拔朋切水激有聲汙白明切水聲與汙

通踏音沓

彌數千里若萬天之斬伐而其軸轡之所負

軸音逐轡

音盧轡舡前次擢履軸舡後施施處又漢律名舡方長為軸轡二字皆當從舟

橦檣之所御

橦傳

江切橦音牆舡桅也

鱗川林壑隳雲遁雨瞬目而下者

瞬音眸

榛

榛沚沚

榛一本作榛並音恭沚音云

百舍一赴若是何如吳子曰先

生之言豐厚險固誠晉之美矣然晉人之言表裏山河

者備敗而已非以為榮觀顯大也

左氏僖公二十八年子犯曰晉表裏山河

必無害也

吳起所謂在德不在險皆晉人之藉也願聞其他

先生曰大鹵之金

由音魯太原晉陽縣

棠谿之工

棠谿屬蔡州

火化水

淬

取內切滅火

器備以充為棘為矛為鍛為鈎為鏑為鏃為

晏本少一字別本無為鏃為字

為鏃出太白徵蓐收召招搖伏蚩尤

太白

招搖蚩尤皆星名漢志太白兵象也晉志招搖主胡兵隋志旋星散為蚩尤旗見則王者征伐四方蓐收天之

刑

肅肅裊裊

山宜切一作祁祁

合衆靈而成之博者狹者曲者

直者岐者勁者長者短者攢之如星奮之如霆運之如

熒浩浩弈弈淋淋漈漈

淋音林以水沃也漈音迪洒也

熒熒的的

熒音螢

若雪山冰谷之積觀者膽掉

音調

目出寒液當空發耀英

精互繞晃蕩洞射天氣盡白日規為小鑠

式的切

雲破霄

跣墜飛鳥

跣的協切漢書飛鳥跣跣墮水中釋文跣跣墮落也

弓人之弓函人之

甲膠角百選犀兕七屬

音注周禮考工記函人犀甲七屬

乃使跟超

音跟

根足掖夾之倫

夾音扶

服而持之南瞰諸華

瞰苦濫切遠視也

北

擊羣夷

擊賢涉切失氣言也

技擊節制聞於天下是為善師延目

而望之固以拳拘喘汗免胄肉袒進不敢降退不敢竄

若是何如吳子曰夫兵之用由德則吉由暴則凶是又

不可為美觀也先軫曰師直為壯曲為老況徒以堅甲利

刃之為上哉

左傳僖公二十八年晉侯侵曹伐衛楚人救曹子犯曰師直為壯曲為老豈在久乎

此為先軫之言恐誤

先生曰晉國多馬屈焉是產

左氏僖公二年晉荀息請以屈產之乘假道於虞以

伐虢杜預注屈地生良馬故以為名

土寒氣勁崖圻谷裂草木短縮鳥獸

墜匿而馬蕃焉師師旒旒

音說進也

溶溶

音容

紘紘輶輶鞞鞞

輶音雷鞞音隣

或赤或黃或玄或蒼或醇或駝

莫江切雜也

黥然而

陰

點音掩

炳然而陽若旌旃旗幟之煌煌

幟音修

乍進乍止

乍伏乍起乍奔乍躡

音致踏也

若江漢之水疾風驅濤擊山

盪壑

盪音蕩又他浪切

雲沸而不止羣飲源槁迴食野赭

音者赤色

浴川盛浪噴震播灑

噴音普悶切鼓鼻也灑音洒

潰潰焉若海神駕雪

而來下觀其四散恔怳

上齒兩切本作傲下許往切恔怳狂貌

開合萬狀

喜者鵲厲怒者人搏決然坐躍

坐蒲悶切

千里相角風駸霧

鬣

鬣音祖紅切鬣音獵

斷山抉壑

斷音燭斫也

耳搖層雲腹捎衆木寂

寥遠遊不夕而復攖地跳梁堅骨蘭筋交頸互齧

倪結切

鬪目相馴聚洩更噓昂首張斷其小者則連牽繳繞

上古

了切下
爾紹切

仰乳俯齧

下沒切
齧也

蟻雜螽集

上音終
螽也

啾啾漉漉

七立切上林賦漉漉
鼎沸啾即由切聲也

旅走叢立其材之可者收斂攻教

掉手飛縻指毛命物百步就羈牽以苟息

見上注

御以王

良

王良晉之
善御者

超以范鞅

范鞅士句之
子即獻子也

軒以藥鉞

藥鉞藥
鑿之弟

已上四公皆晉之臣也藥
音驚鉞音鈴又諸侵切

以佃以戎獸獲敵摧若是何

如吳子曰恃險與馬者子不聞乎故曰冀之北土馬之

所生是不一姓

左傳昭公四年楚使椒舉求盟于晉晉
侯弗許公曰晉有三不殆其何敵之有

國險而多馬齊楚多難有是三者何鄉而不濟司馬侯
對曰恃險與馬而虞鄰國之難是三殆也九州之險是
不一姓莫之北土馬之所生無與國焉特請置此而新
險與馬不可以為固也莫北即冀州之北

其說

先生曰晉之北山有異材梓匠工師之為宮室求大木
者天下皆歸焉仲冬既至寒氣凝成外凋內貞瀋液不

行

瀋音沈
昌枕切汁也
液音亦津液

乃堅乃良萬工舉斧以入必求諸巖

崖之歌傾礪壑之紆縈凌巘岈之杪顛

巘音祖九切岈音銳
官切巘岈山貌

貌杪音眇釋文木
標末也即枝上端

漱泉源之淦潏

上古南切沈也
下音營水回貌

根絞

怪石不土而植千尋百圍與石同色羅列而伐者頭抗

河漢刃披虹霓聲振連巒梯填層谿

梯音脾削木札撲也陳楚謂積為梯

丁丁

中莖切詩伐木丁丁

登登礧礧稜稜

上呂唐切說文石聲一曰礧礧堅也下盧登切

說文四方木也

若兵車之乘凌其響之所應則潰潰漰漰沟沟

薨薨

上許拱切說文湧也一曰沟湧水聲也下呼肱切

若騫若崩若螭龍之鬪

風霆相騰其殊而下者札嶮捎殺

嶮音戛音

摧碎塊札

碎昨沒切

又昨律切山峻貌塊於浪倚黨二切塵也北音軋山曲

霞披電裂又似共工觸不

周而天柱折

列子湯問篇共工氏與顓頊爭為帝怒而觸不周之山折天柱絕地維張湛注不周

山在西
北之極
鵠鵠鵠

鵠音昆爾雅鷄三尺為鵠鵠音灌似鵠而巢樹者為白鵠曲頸為黑鵠鵠

音秋說文禿鵠也

鵠音倉說文鵠鵠也闕西呼為鵠山東通謂之鵠

鵠也

鵠音倉說文鵠鵠也闕西呼為鵠山東通謂之鵠

號鳴飛翔

狌狌俱切釋文

狌劉也似狸能捕獸祭天

狌音岸胡地犬也奔觸警慄伏無所入遯

無所脫然後斷度收羅

捐危顛芟繁柯乘水潦之波以

入於河而流焉盪突碑兀

上郎兀切碑兀危石也轉騰冒沒類秦

神驅石以梁大海抵曲鱗威匯流雷解

匯音潰又戶賄切水合流

前

者汨越後者迫隘乃下龍門之懸水摺拉頽踏

摺質涉切敗也

拉落合切推也亦通作摺

猝首軒尾

猝昨沒切說文持頭髮也漢貢禹猝草把土

湏入重

湏入重

淵

湏胡動切水大濛湏也

不知其幾百里也濤波之旋滔山觸天

既渟既平彌望悠焉良久乃始昂屹涌溢挺拔而出林

立峯崿穿雲蔽日渙然自撓復就行列渾渾而去以至

其所唯良工之指顧叢臺阿房

張平子東京賦楚建叢臺於後注趙武靈王起

阿房秦宮名房音旁

長樂未央建章昭陽

並西漢宮殿名

之隆麗詭特皆

是之自出若是何如吳子曰吾聞君子患無德不患無

土患無土不患無人患無人不患無宮室無宮室不患

材之不已有先生之所陳四累之下也且禡祁既成諸

侯叛之

左傳昭公八年晉侯方築虎祁之宮至昭十三年晉成虎祁諸侯朝而歸者皆有二心杜預注

虎祁

地名在絳西四十里臨汾

水

虎祈音斯又作虎祈巨之切

先生曰河魚之大

河當是黃河也

上迎濤波羅壅津涯千里雷

馳重馬輕車遂以君命矢而縱觀焉

矢陳也春秋隱公公矢魚于棠

大

罟斷流修網亘山罟罟罟

罟都教切罟立九切罟唐韻古責切又胡卦切集韻

官韻並作罟見去聲十五卦罟罟也罟音鹿罟罟罟罟皆魚罟也

織絰其間巨舟軒昂

屹屹迴環水師更呼聲裂商顏

商山名在商州

於是鼓譟沓集

而從之扼龍吭拔鯨鰭

上巨巾切大魚也下音耆魚脊上骨

戮白鼃

音元似鼃

而逐毒螭

抽知切無角如龍而黃

叱馮夷

清冷傳曰馮夷華陽潼鄉隄首人也服八石得

水仙是為河伯

立水湄攪流離

攪古巧切

掬縮推移梁會網盛騰

天彌園掉躄擁踴

躄音壁人不能行也踴音勇跳也

以登夫歷山之垂

歷山在河東

如川之歸如山之摧

一作崔

如雲之披其有乘化

會神振拔漣淪

上音連水成文曰漣下音倫小波為淪

擣竒文

擣丑知切

出怪

鱗騰飛濤而上逸生電雷於龍門者猶仰綸飛繳

音灼生然

鱗亦作紫頓踏

一作陪

而取之莫不脫角裂翼呀嚇匍匐

呀虛牙切

張口嚇音赫又虛訝切怒也亦云口拒人

復就齧切

上力莫保龍籍具一作

糲

五味

糝女救切雜也

布列雕俎風雲失勢沮散遠去若夫魴鱮

魴鯉鯉鱧魴鱮之瑣屑蔑裂者

魴音沙鱮音嘗魴音洧鯉音偃鱧音禮魴音防

鯉音敎義並見設漁者對注鱮一作魴音縉

夫固不足悉數漏脫絃目養之

水府而三河之人則已填溢饜飫腥膏爲鹵聞鱠炙之

美則掩鼻蹙頰

阿葛切

賤甚糞土而莫顧者也若是何如

吳子曰一時之觀不足以夸後世口舌之味不足以利

百姓姑欲聞其上者

先生曰猗氏之鹽晉寶之大也

猗氏猗頰也史記猗頰用鹽鹽起與王者埒富猗於

宜人之賴之與穀同化若神造非人力之功也但至其

所則見溝塍畦畹之交錯輪囷

塍神稜切稻中畦也畹於阮切田三十畝曰畹

若稼若圃敞兮勻勻渙兮鱗鱗邈邈紛屬

邈力紙切邈音彌

不

知其垠俄然決源醲流

上山宜切又所寄切

交灌互澍

上音護差互也下音

樹說文澍生萬物互一作牙

若枝若股委屈

一作曲

延布脉寫膏浸漶

濕滑汨

漶即入切滑漶水貌滑戶八切利也汨音骨又越筆切

彌高掩庫

與卑通浸

壠冒塊

浸平聲壠音隴田中高處

決決沒沒遠近混會抵值堤防嚮

瀛霈濺

嚮伊盈切嚮溟水絕遠貌霈普蓋切濺呼括切濺流也

偃然成淵潏然成

川

淋音莽
流大水貌

觀之者徒見浩浩之水而莫知其以及神

液陰漉

鹿音

甘鹵密起孕靈富媪

鳥皓切
女老稱

不愛其美無聲

無形燦結迅詭

燦卑遙切
說文火飛也

回眸一瞬積雪百里皛皛

幕幕

品胡了切
顯也幕音覓一作幕幕

奮債離析

債方問切
僵也

鍛圭椎壁

銀丁

貫切小治
推音槌

眩轉的皪

眩音
縣

乍似殞星及地明滅

一作
激

相

射冰裂電碎龍嵒增益

上音龍又洛孔切
下祖紅切又作孔切
山貌

大者印

累小者珠剖涌者如坻

音坻水渚也
又典禮切

坳者如缶日晶熠

煜

品音精熠羊八切
煜音育煜也

螢駭電走亘步盈車方尺數斗於是

裒斂合集

裒薄侯切

舉而堆之皓皓乎懸圃之巍巍

危音

皦乎

漑乎狂山太白之淋漓

皦古了切白也漑弋詔切浩漑大水貌

駭化變之

神奇卒不可推也然後驢羸牛馬之運

羸與驢同

西出秦隴

南過樊鄧

樊即樊城縣今襄州臨漢縣也鄧即鄧州也

北極燕代東逾周宋

家獲作賊之利人被六氣之用和鈞兵食以征以貢其

賚天下也與海分功可謂有濟矣若是何如吳子曰魏

絳之言曰近寶則公室乃貧豈謂是耶雖然此可以利

民矣而未為民利也先生曰願聞民利吳子曰安其常

而得所欲服其教而便於已百貨通行而不知所自來
老幼親戚相保而無德之者不苦兵刑不疾賦力所謂
民利民自利者是也先生曰文公之霸也援秦破楚囊
括齊宋曹衛解裂魯鄭震恐定周於溫奉冊受錫夾輔
糾逖以為侯伯齊盟踐土低昂玉帛

史記晉世家文公二年三月晉乃發

兵至陽樊圍溫入襄王于周五年四月晉敗楚師作王
宮于踐土五月天子使王子虎命晉侯為伯賜大輅彤
弓矢百秼弓矢千秼皂一荀珪瓊作晉文
侯命逖他歷切齊側皆切踐土鄭之地也
天子恃焉以
有諸侯諸侯恃焉以有其國百姓恃焉以有其妻子而

食其力叛者力取附者仁撫推德義立信讓示必行明
所嚮達禁止一好尚春秋之事公侯大夫策文馬馳軒
車出入環連貫於國都則有五筵之堂九几之室大小
定位左右有秩禽牢餼饋交錯文質饗有嘉樂宴有庭

實登降好賦犧象畢出

犧素何切犧象皆稱名

犒勞贈賄

勞郎到切釋文

賞勛勛功曰勞賄呼罪切賄賄

率禮無失六卿理兵大戎小戎鐘鼓丁

寧以討不恭車埒萬乘

埒音劣卑垣也

卒半天下鼓之則震旆

之則畏其號令之動若水之源若輪之旋莫不如志當

此之時咸能驩娛以奉其上故其民至於今好義而任
力此以民力自固假仁義而用天下其遺風尚有存者
若是可以為民利也乎吳子曰近之矣然猶未也彼霸
者之為心也引大利以自嚮而摟他人之力以自為固
摟音妻而民乃後焉非不知而化不令而一異乎吾嚮之
陳者故曰近之矣猶未也

先生曰三河古帝王之更都焉而平陽堯之所理也

三河

河東河南河北道也蓋河東道之河中府蒲阪縣舜之所都絳州夏縣禹之所都河南道之陳郡伏羲神農之

所都一云伏羲又都於曲阜黃帝都於鄭州而少昊都於窮桑即今之兗州曲阜縣則又皆隸河南道也而河北道之涿鹿山則黃帝之有茅茨采椽土型之度刑鑄

都耳平陽蓋今之晉州焉

罷之法以土為法曰型也故其人至於今儉嗇有溫恭克讓之德故

其人至於今善讓有師錫飮曰疇咨之道故其人至於今好謀而深有百獸率舞鳳凰來儀於變時雍之美於音

鳥故其人至於今和不怒有昌言儆戒之訓

儆居切故

其人至於今憂思而畏禍有無為不言垂衣裳之化故其人至於今恬以愉此堯之遺風願以聞於子何如

吳子離席而立拱而言曰美矣善矣其蔑有加矣此固

吾之所欲聞也凡夫儉則人用足而不淫讓則遵分而

進善其道不鬪

分扶問切
分守也

謀則通於遠而周於事和則

仁之質戒則義之實恬以愉則安而久於其道也至乎

哉今主上方致太平動以堯為准先生之言道之奧者

若果有貢於上則吾知其易易焉也舉晉國之風以一

諸天下如斯而已矣敬再拜受賜

是太史無咎取之
以附續楚辭其係

有曰昔屈原作九章九陽數言已所陳與天合度自宋
玉九辯以下皆依以立義至枚乘七發意亦公此蓋以

徵諷吳王漢母反班固稱原有古詩惻隱之風謂乘已下沒其諷諭之意是不然觀乘七發既設客說太子久執不廢大命乃傾為陳王之可嗜悅者七末乃言孟子持籌而算之萬不失一以言吳計其意深矣晉問亦七蓋效七發以諷時君薄事役而隆道實云

荅問

公永正元年九月自監察御史生王叔文之黨黜為邠州刺史十一月改永州司馬據問云先生遭有道不能奮厥志獨被罪伏匿則荅問之作當在到永州後

有問柳先生者曰先生貌類學古者然遭有道不能奮厥志獨被罪辜廢斥伏匿交遊解散

解音謝散也

蓋與為戚

生平嚮慕毀書滅跡他人有惡指誘增益身居下流為謗數
澤罵先生者不忌陵先生者無謫遇揖目動聞言心惕時行草
野不知何適獨何劣耶觀今之賢智莫不舒翹揚英推類援
朋疊足天庭魁畧恢張羣驅連行奇謀高論左右抗聲出入
翕忽擁門填局一言出口流光垂榮豈非偉耶先生雖讀古
人書自謂知理道識事機而其施為若是其悖也狼狽擯僂
猥音貝 狼音郎 何以自表於今之世乎先生荅曰敬聞命然客言僕
知理道識事機過矣僕慙夫屈伸去就

情母亘切不明也
又莫紅目撫二切觸罪

受辱幸得聯支體完肌膚猶食人之食衣人之衣

上 衣字於既切下衣

字音依

用人之貨無耕織居販然而活給羞愧恐慄之不暇今

客又推當世賢智以深致誚責

上才肖切

吾縲囚也

縲倫追切接何晏注論語

云黑索也

逃山林入江海無路其何以容吾軀乎願客少假聲氣使

得詳其心次其論客曰何取先生曰僕少嘗學問不根師說心

信古書以為凡事皆易不折之以當世急務徒知開口而言閉

目而息挺而行躋而伏

躋音至路也與寔通

不窮喜怒不究曲直衝羅陷

穽不知顛踣

滿北切

愚蠢狂悖若是甚矣又何以恭客之教而承

厚德哉今之世工拙不欺賢不肖明白其顯進者語其德則

皆茫茫深閉端貞鯁亮苞并涵養與道俱往而僕乃蹇淺窄

僻跳浮嘍喑

上集韻胡陌切大呼也又嘍喑多言也唐韻嘍喑大喚也下子夜切嘆聲也又仄伯切大聲也

抵

瑕陷厄固不足以越超批揆而追其跡

越千咨切超千余切越超不進也批步結切

揆力結切舉其理則皆謀明淵沈剖微窮深

剖普后切劈析是非

劈匹歷切校

度古今而僕乃緘鉗塞默

鉗其廉切耗耗窒惑

耗虛到切耗音冒目少猶也

扶異

探怪

扶一決切挑也探音貪

起幽作匿攸攸恤恤卒自翫賊

翫與禍同

固不

足以睢盱

上翻規切仰目也下勾於切張目也

激昂而效其則言其學則皆摠

攬羅絡橫豎雜博

豎音樹

天旋地縮鬼神交錯而僕乃單庸撇

莩

撇匹蔑切字正作擘擘也

離疏空虛竊聽道塗顛囂蒙愚

顛與專同

不知

所如固不足以抗顏搖舌而與之俱稱其文則皆汗漫輝

煌呼噓陰陽

噓一作噓

轆轤三光

轆音交轆音葛轆轤長遠兒一曰雜亂也

陶鎔

帝皇而僕乃朴鄙艱澁培塿淖淥

培薄口切或作培塿淖郎口切博雅培塿冢

也左氏襄二十四年却妻無松栢字不從土

毫聯縷緝

淖子入七立二切淥丑入切說文淖淥水

塵出坱入固不足以攄擗踴躍而涉其級茲四者懸判

雖庸童小女皆知其不及而又裹以罪惡纏以羈縻

居上

宜下切 陟立切 客從而擠之 上賤西切又子計切排也 不亦忍乎且夫白羲

騷耳之得康莊也

義一作蟻白義騷耳馬名騷音綠

逐奔星先飄風而

跋躢不出泥滓黃鐘元間之登清廟也鏗天地動神祇

而鳴鳴咬哇不入里耳

咬五巧切哇於佳鳥瓜二切

西子毛嫱之蹈

後宮也皦朝日煥浮雲而無鹽逐於鄉里蛟龍之騰於

天淵也彌六合澤萬物而蝦與蛭不離尺水

蛭音質水虫

卓

詭倜儻之士之遇明世也用智能顯功烈而磨眇連蹇

顛頓披靡固其所也

磨目果切說文細也

客又何怪哉且夫一陟

險阨懲而不再者烈士之志也知其不可而速已者君子之事也吾將竊取之以沒吾世不亦可乎乃歌曰堯舜之修兮禹益之憂兮能者任而愚者休兮蹢躅蓬藿蹢音仙蹢躅旋行貌樂夫囚兮文墨之彬彬藿徒弔切釋蓬草足以舒吾愁兮已乎已乎曷之求乎客乃笑而去

起廢荅

公自永貞元年十一月自郢州刺史改永州司馬明年即改元元和留永既久至元和十年正月方召至京此文云先生來吾州亦十年則起廢荅當在九年間作

柳先生既會州刺史即治事還遊于愚溪之上溪上聚

鰲老壯齒十有一人

鰲音黎黑而黃色

謏足以進

謏山六切起也

列植

以慶卒事相顧加進而言曰今茲是州起廢者二焉先

生其聞而知之歟荅曰誰也曰東祠暨浮圖

暨於益切亦書作躡

說丈人不

能行也 中廐病顙之駒

廐音究馬舍也顙寫襄切

曰若是何哉始

凡為浮圖道者都邑之會必有師師善為律以勅戒始

學者與女釋者甚尊嚴且優游暨浮圖有師道少而病暨

日愈以劇居東祠十年扶服輿曳未嘗及人側匿愧恐

甚今年他有師道者悉以故去始學者與女釋者俵俵
無所師遂相與出甕浮圖以為師盥濯之

鹽古緩古玩
二切添也

扶持之壯者執輿幼者前驅被以其衣導以其旗怵惕
疾視引且翼之甕浮圖不得已凡師數百人

一作生一
云數百人

生日饋飲食時獻巾帨洋洋也舉莫敢踰其制中廐病
顙之駒顙之病亦且十年色玄不厖無異技磴然大耳

磴苦東切
又戶宋切

然以其病不得齒他馬食斥棄異阜恒少食

屏立擯辱掣頓異甚

掣尺制尺
列二切

垂首披耳懸涎屬地凡

廐之馬無肯為伍會今刺史以御史中丞來莅吾邦屏

棄羣駟舟以沂江將至無以為乘廐人咸曰病顛駟大

而不龐可秣飾焉他馬巴楚痺狹樊滿墨切無可當吾刺史

者於是衆牽駒上燥土大廡下廡音武堂下周屋薦之蓆廡之

絲浴剔蚤鬚剔他歷切蚤音瓜鬚子淺切刮惡除漬刮古

切莖以雕胡莖音挂秣以香蕈秣音未錯貝鱗纒錯七

鑿金文羈絡以和鈴纓以朱綏纓音嬰綏儒或

膏其鬣或剽其臍鬣音獵剽音磨平聲御夫盡飾然後

敢持除道履石立之水涯幢旗前羅

幢傳江切說文旌旗之屬旗音與周

禮鳥隼為旗

扛蓋後隨

扛音江旗竿

千夫翼衛當道上馳抗首出

臆

音億

震奮遨嬉

上音敖

當是時若有知也豈不曰宜乎先

生曰是則然矣更將何以教也鰲老進曰今先生來吾

州亦十年矣足軼疾風

軼徒結切車相過也又音逸

鼻知臙香

臙尸連切

與禮同

腹溢儒書口盈憲章苞今統古進退齊良然而一

廢不復曾不若躋足涎顙之猶有遭也

涎夕連切口涎也

朽人

不識敢以其惑願質之先生先生笑荅曰叟過矣彼之

病病乎足與顙也吾之病病乎德也又彼之遭遭其無

耳今朝廷洎四方豪傑林立謀猷川行羣談角智列坐

爭英披華發輝揮喝雷霆老者育德少者馳聲卅角羈


貫卅古患切東髮也排廁鱗征一位暫缺百事交并駢倚懸足

駢蒲眠切曾不得逞不若是州之乏釋師大馬也而吾以得

病伏焉豈蹙足涎顙之可望哉叟之言過昭昭矣無重

吾罪於是鰲老壯齒相視以喜且吁曰諭之矣拱揖而

旋為先生生病焉



總校官候補中書臣吳紹潔
校對官庶吉士臣陳崇本
謄錄監生臣楊邦彥